

ex peccato venit. Productior enim poena est quam A culpa, nec parva videretur culpa, si cum illa auferretur poena. Est ideo vel ad demonstrationem debite miserice, vel ad emendationem labilis vitae, vel ad exercitationem necessariae patientiae temporaliter tenet hominem poena, etiam quem jam reum non tenet culpa, et haec est horum dierum flenda, sed non reprehendenda conditio. *Pasce. Pas-* cere oves est credentes ne deficiant confortare, terrena subsidia, si necesse est, subditis providere, exempla virtutum præbere, adversariis obsistere, peccantes corrigere.

VERS. 18. — *Cum autem senueris.* Passurum prædicti qui negaturum prædixerat, hoc jam poterat resurrectione firmatus, quod immature pollicebatur infirmus. Jam non metuit hujus vite interitum, quia resurgentem Domino vita alterius præcessit exemplum.

VERS. 19. — *Et cum hoc dixisset.* His dictis, cœpit Jesus abire, et nondum intellecto quod auditavit, *Sequere me,* cœpit Petrus incessu pedum sequi, secutus est et Joannes qui sciebat se diligi.

VERS. 20. — *Quem diligebat Jesus.* Diligebat et alios, sed familiarius istum donavit potiore dulcedine sui amoris, quia virgo electus ab ipso virgo permanuit, unde et matrem ei commendavat.

(Auc.) Tacito nomine discernitur Joannes a ceteris, etc., usque ad qui virgo est Joannes convenit futuræ vitae, ubi neque nubent neque nubentur.

Super pectus. In pectore Jesu sunt omnes thesauri sapientiae et scientiae absconditi, super quod recubuit quem majori ceteris sapientiae et scientiae singulare munere donat, in quo figurabatur quanta area a divinitate præ ceteris esset scripturus.

VERS. 21. — *Domine, hic autem quid?* Quia au- dierat Petrus se crucifigendum, voluit etiam fratris cognoscere exitum.

VERS. 22. — *Sic eum volo manere, donec veniam.* Nolo eum per martyrium consummare, sed expèctare eum placidam carnis suæ absolutionem, quando ego veniens recipiam eum in æternam beatitudinem.

VERS. 23. — *Et non dixit ei.* Non est intelligendum quod Joannes non sit mortuus in carne, sed quidquid ante passus, quod ultimum in pace senium finiret. Non enim magnum erat dare dilecto non mori, cum dissolvi et esse cum Christo sit multo melius.

VERS. 24. — *Hic est,* etc. Hic aperte suam designat personam ex officio, quod noluit designare ex vocabulo.

VERS. 25. — *Nec ipsum arbitror mundum.* (Auc.) Non spatio locorum, credendum est mundum capere non posse, etc., usque ad sicut alii tropi, hoc est locutionum modi.

Nec ipsum. Non dicit spatio non posse capi, sed capacitate legentium, quamvis salva fide rerum plerumque verba videantur excedere fidem per hyperboleum:

ACTUS APOSTOLORUM.

PROLOGUS B. HIERONYMI.

Vide inter opera ejus.)

CAPUT PRIMUM.

VERS. 1. — *Sermonem feci.* Id est; scripsi : quia scribere est operari. Vel hoc ita dicit, quia factis meruit esse scriptor Evangelii. *Feci.* Totus liber Evangelii unus sermo dicitur, eo quod habeat unum sensum : aut singulare pro plurali. Evangelium est bona annuntiatio, qua annuntiatur requies post laborem, regnum post servitium, vita post mortem. *De omnibus.* Dictis et factis Christi quæ judicavit officio digna vel idonea suæ dispensationi. *Theophile.* Theophilus idem est quod Dei amicus, vel Dei amator : et si tu sis amicus Dei, tibi scribitur. *Quæ cœpit Jesus facere.* A baptismo Joannis quo Jesus baptizatus est, usque in diem quo assumptus est in cœlum : quia de toto illo tempore Lucas sermones texuit, qui in fine Evangelii ita scripsit : *Cum benedixisset;* recessit ab eis et scribatur in cœlum. *Facere.* Bonum doctorem instituit vel instruit, qui faciat quod docet.

VERS. 2. — *Præcipiens apostolis* prædicare Evangelium per Spiritum sanctum, per quem prædicatum est Evangelium, quia verba inspirabat, et fiduciam tribuebat. Vel, *præcipiens per Spiritum sanctum,* id est, quod Filius præcipit, præcipit et hoc Spiritus

C sanctus. Vel, propter Spiritum præcepit, quia non præciperet nisi Spiritus venturus esset. *Elegit.* Hoc ad laudem apostolorum, quorum actus scribere proponit, vertitur. *Assumptus.* A Divinitate, vel a nube assumptus, quasi verus homo.

VERS. 3. — *Vivum.* Corpus vivum et proprium; non phantasticum quod et apostoli cognoverunt tanquam notissimum. Aut vivum, eo quod post mortem vivebat. Vel vivum, id est amplius non moriturnum. *Per dies.* Non tamen eis per quadraginta dies continuos apparuit : post diem enim resurrectionis alios quatuor dies intervenisse Joannes dicit. Post quos rursus apparuit per quadraginta : quia quadraginta horis mortuus fuerat, quadraginta diebus se vivere confirmat. Et per quadraginta typis presentis sæculi, quo Christus in Ecclesia versatur, potest intelligi : sive quia homo quatuor constant elementis, eruditur contra transgressionem Decalogi.

VERS. 4. — *Convescens.* Signa veri corporis annuntiat, quia non uno corporis sensu, sed visu ; auditu, tactu, apparendo, loquendo, convescendo probavit se resurrexisse. *Promissionem,* quam promisit per Joel, ut habetur in sequentibus : et si à Christo facta, a Patre tamen complebitur. Vel *Patri* dicitur, quia in ejus Verbo, id est Christo, promittitur.

VERS. 5. — *Quia Joannes.* (BEDA.) Cum diceret A Dominus : Quia Joannes baptizavit aqua, vos autem, etc., usque ad quod in baptismo Joannis non sicut.

Baptisma datur in duabus naturis, corporali scilicet et spirituali : quia homo qui baptizatur, duobus constat : corpore scilicet et anima, tamen unum est baptismus, sicut unus homo.

Vos autem, etc. Quando Petrus negavit, non erant apostoli baptizati ; non aqua, sed spiritu : post resurrectionem enim dictum est : *Vos vero baptizabimini Spiritu sancto.* Nondum enim resurrectione Christi et missione Spiritus confirmati erant. Sicut autem iustis circumcisio non fuit necessaria, antequam imperaretur Abraham et posteritati suae : sic postquam sacramentum Novi Testamenti, id est baptismus, circumcisionis loco datum est a Domino dicens : *Nisi quis renatus fuerit ex aqua et Spiritu sancto* (*Joan. iii.*), etc., certum est nullum ad corpus Christi pertinere, nisi baptizatum, praeter eos quibus passio deputatur pro baptismo. Item scriptum est, quando Paulus baptizatus est : et non est scriptum quando alii apostoli baptizati sunt : sed debemus intelligere baptizatos esse propter illud : *Nisi quis renatus fuerit*, etc.

VERS. 7. — *Non est vestrum nosse.* Non ait, non erit, sed non est : notans adhuc esse infirmos, et ideo ad secretum cognoscendum non esse idoneos : Cum vero ait : *Non est vestrum nosse*, ostendit quod ipse sciat, cujus sunt omnia quae Patris, sed eis non expedit nosse, sed ita vivant quasi quotidie judicandi. *Quae Pater.* Illius, inquit, regni tam secretum est tempus, ut tantum scientiae Patris pateat, sed accipietis virtutem Spiritus sancti, ut quod propter infirmitatem carnis non potestis, possitis ex virtute Spiritus sancti. *In sua potestate.* Hoc ut verus homo excusabiliter dixit, sed tantum una est Patris et Filii et Spiritus sancti potestas : Filius etiam potestas Patris est.

VERS. 8. — *Sed accipietis.* Tollitur scientia temporum, sed divinum, quo indigent, adhibetur auxilium : hoc modo, cum pueris aliiquid tollitur, aliud datur ne penitus tristentur. *Supervenientis Spiritus sancti.* Cum superveniet Spiritus in vos, non regnum Israel, sive regnum Dei in Israel, ut putatis, afferet, sed virtutem testificandi de me vobis praestabit, tantumque illius regni tempus longe est, ut prius non solum Hierosolymam, sed omnes fines Judææ et Samariæ mundi etiam terminos per circuitum fama Evangelii percurrat. *In Jerusalem et in omni Iudea.* Consequentia ordinis in vocabulis locorum conservata est : Jerusalem succedit proxima Judææ provincia, cui Samaria situ conjugitur, debinc omnis terræ communio subinfertur. *In Jerusalem.* Mystice : in visione pacis, in confessione veræ fidei : custodia præceptorum Dei : et in his qui se in alienos fecerint a terra prædicatores eos prædicti, per quos quasi rotæ radios de medio terræ ubi salu-

tem operatus est, gratia spiritualis et salutaris doctrina per totum orbem defluxit.

VERS. 9. — *Et cum hec dixisset.* Alter Marcus commemorat dicens : *Et Dominus quidem Jesus postquam locutus est eis, assumptus est in cælum* (*Matth. xxviii.*). Sed quia Lucas significantius adjectit : *Cum hec dixisset, elevatus est, completis illis sermonibus quos commemoraverat Dominum ascensisse cœlos ostendit.*

VERS. 11. — *Galilæi, quid statis aspicientes in cælum?* In quibus debet esse prudentior sensus, quia Galilæi cæteris Judæis in sapientia præcelerant. Vel, Galilæi volubiles, quia instabilitate sui sensus oblitii erunt præcepta Dei.

VERS. 12. — *Tunc reversi sunt*, etc. Reversio B apostolorum de monte Oliveti Jerusalem, significat Ecclesiam quæ de activa in contemplativam ascendens, iterum descondit in conversationem activalem. Mons enim Oliveti ab antiquis mons trium lumen vocabatur : lucernæ scilicet de templo resplendentis, ac solis ex altera parte orientis, et olei in ipso monte naturalis lucis : quæ tria conveniunt perfectioni propter divini Verbi lucem de Ecclesia fulgentem, propter solis solis justitiae fulgorem, propter puræ conscientiæ nitorem.

VERS. 13. — *Et cum introissent.* In Greco ponitur : *Cum introissent cœritatem, in cœnaculum ascenderunt, ubi erant manentes Petrus, etc.* In Greco sic est ordo nominum : *Petrus et Andreas, Jacobus et Joannes, Simon Zelotes et Judas Jacobi. Cœnaculum*, etc. (BEDA.) Locus est in superiori, designans quod a terra sublati ad superiora scientiæ et virtutis condescendunt.

Cœnaculum dicitur tertium tectum, figura charitatis fidei superedificata et spei. Charitas autem diffusa est in cordibus nostris per Spiritum. *Petrus et Joannes.* Petrus primus ponitur, quia princeps et pastor. Petrus et Joannes merito primi ponuntur, qui simul cucurrerunt ad monumentum, quia plus cæteris amabant. Primus (si fas est dici) plus cæteris dilexit : alium, plurimum Jesus amat. Catalogus apostolorum ideo ponitur, ne extra hos aliqui falsi recipiantur : paria et ponuntur loca singulorum, distinguendis gradibus meritorum.

Hi sunt duodecim filii Jacob ; duodecim fontes D deserti, quos Israel reperit in Elim ; duodecim panes propositionis ; duodecim lapides in ueste pontificis ; duodecim signa zodiaci ; duodecim lapides altaris ; duodecim lapides de Jordane elevati ; duodecim boves sub æneo mari ; duodecim stellæ in corona sponsæ ; duodecim fundamenta ; duodecim portæ ; duodecim menses anni ; duodecim horæ diei ; duodecim fructus ligni viteæ.

Zelotes. (BEDA.) Zelotes ipse est qui in Evangelii dicitur Chananeus. Chana zelæs interpretatur. Erat enim de vico Galilææ ubi Dominus aquam convertit in vinum. Hic post Jacobum fratrem suum, rexit Ecclesiam Hierosolymorum.

Filio pereunte perditionis, imperfectus numerus

apostolorum remansit, juxta similitudinem enim A lunæ crescit et decrescit Ecclesia: sed vetera trans-eunt, et nova flunt.

Vers. 14. — *Maria, etc.* Virgo a mulieribus distinguitur, quæ tamen aliquando mulier non pro corruptione, sed pro sexu appellatur. Ecce principium nascentis Ecclesie adornatur flore virginitatis. *In medio fratrum.* Id est aliorum, quorum unus est Pater in cœlis.

In medio Petrus stetisse dicitur: quasi communis miseratione condescendens. Hoc exemplum sumendum est pastoribus Ecclesie.

Hic numerus centum et viginti congruit ætati Moysi, ut sicut sub hoc numero, Moysè defuncto, Jesus successit, qui populum in terram prouisionis induxit, sic veteri legi in Ecclesia principatus Christi successit, ducens verum Israel ad regnum cœli:

Vers. 18. — *Possedit agrum.* Non quia agrum possederit, sed quia ipsius fuerat pretium agri qui Dominum vitæ vendidit. Amissa terra viventium, agrum sanguinis et mortis, æterna sceleris et nominis sui memoria possidet Judas. Emptum tamen pretio sanguinis agrum siguli non possedit, qui traditionis crimen in se protinus multavit, sed *possedit* dictum est pro possideri fecit. Quidam agrum a Juda possessum ridicule exponunt infernum. Alii possedisse agrum illum existimant, ex eo quod cum peregrinis in eo sepultus fuit. *Viscera.* Viscera quæ sunt sedes fraudis, tanto scelere dirupta, se cohære non valuerunt. Merito autem per sedem dolii viscera funduntur, non per locum osculi, id est os quo osculatus est Jesum, quamvis falsa superficie, sed per alium cui virus occultæ malitiae inerat.

Vers. 19. — *Eorum, id est habitantium Jerusalem;* quia etsi utrique loquebantur Hebraice, distabat tamen proprietas linguae Hierosolymorum a Galileis, de quibus apostoli erant: quod in passione Domini ostenditur; ubi etiam Petrus nolens lingua sua proditus est esse Galileus.

Vers. 20. — *Deserta, et non sit, etc.* Donec electus pro eo assumatur Matthias. Vel, non sit ipse Judas, qui habitet in ea, sed alius assumatur pro eo qui pœnitentia indignus judicatus est.

Vers. 23. — *Duos.* Clemens refert hos duos quib[us] ad sortem apostolatus statuti sunt, de numero septuaginta discipulorum suis. Qui cognominatus. In laude Barnabæ immoratur: quia pro laude Mattheus habet, quod sorte eligitur. Barnabæ laus cumulatur, ne velut indignus repelli videretur: quod postea declaratum est; quia cum Paulo gentium apostolus ordinatur, illi officio reservatus. *Justus.* Aut Latinum est, aut Hebreum: et interpretatur parcens, vel elevatus. *Et Matthiam,* qui donatus, vel donum Dei interpretatur: cui donum apostolatus a Domino collatum est, vel Dei pannus interpretatur. Merito parvi transcendentur ille laude hominum qui justus erat, inquit Arator.

CAPUT II.

Vers. 1. — *In eodem loco.* Cœnaculo scilicet, in quod ascenderant. Qui Spiritum desiderat, carnis domicilium mentis contemplatione transcendens calcat.

Vers. 2. — *De cœlo.* Datur Spiritus de cœlo, ut diligatur Deus; in terra datur, ut diligatur proximus: bis enim post resurrectionem est datus ad duo præcepta charitatis commendanda. *Sonus.* Potest dici locutio linguarum de ore apostolorum sonans. *Spiritus.* Ante passionem datus est apostolis Spiritus ad gratiam doctrinae et sanitatum; post resurrectionem insufflavit Jesus spiritum, et ait: *Accipite spiritum sanctum; quorum remiseritis peccata, remittuntur eis* (Joan. xx), etc. Quod donum soli Petri prius dederat: sed ut creditur tunc per anticipacionem, nunc cum ceteris per completionem etiam Petro tribuitur: et potest data est dimittendi illis quos ad officium mittebat prædicationis:

Vehementis. Comparatione præcedentium vehemens dicitur gratia apostolorum, vel in similitudinem venti vehementis Spiritus venit. *Totam domum.* In una domo sedentibus infunditur Spiritus, ut Ecclesiæ unitas commendetur, in cœnaculo tertia lege incipiente. In datione legis plebs longe stabat præ timore; hic veniente Spiritu congregati erant in unum ex amore. *Sedentes.* Ut compleatur quod dictum erat eis: *Sedete hic in civitate.* Sessio est indicium humilitatis et stabilitatis: quibus præparatur sedes Spiritui sancto, qui super humiles requiescit.

C (Grec.) In igne apparuit Spiritus, sed per se ipsum, etc., usque ad et voce sive sonitu docta sunt corda.

Vers. 3. — *Dispersitæ.* Dispersio linguarum est facta in turre, sed quod dispersit superbia; recolligit humilitas: in superbia dispersio, in humilitate fit concordia. Ecce completur sententia Domini quæ ait: *Non vos relinquam orphanos, sed mittam Spiritum paracletum* (Joan. xiv), qui eorum advocationis, pro eis omnibus linguis locutus est. Linguis attulit, qui pro Verbo venti, cognationem enim habet lingua cum verbo, ut ab invicem non possint separari. Sic Verbum Patris, id est Filius, et Spiritus sanctus inseparabiles sunt, imo et unius naturæ: *Tanquam ignis.* Idem in igne Spiritus venit: quia peccatores Spiritus purgat, illuminat, accendit, urit. Ignis enim quatuor habet naturas, urit, purgat, calefacit, illuminat. Similiter Spiritus exurit peccata, purgat corda, torporem excutit, ignorantias illustrat. Ignis incorporeus et invisibilis est in sua natura; sed assumptio aliquo corpore videtur, diversi coloris apparet, propter materias in quibus ardet. Sic Spiritus videri non poterit, nisi per creaturas in quibus operatur.

Vers. 4. — *Et tæpetunt.* Ecce signum pœnitentis: plenum vas erumpit. Ignis in sinu non potest occultari. *Variis linguis.* Quia linguis omnibus loquuntur, vel sua, id est Hebreæ lingua, loquentes, ab omnibus ita intelligebantur, ac si propriis singulorum

loqueretur, secundum illud Prophetæ : In aliis lin-
guis, et labiis aliis, loquar populo huic, etc.

VERS. 5. — *Ex omni natione, etc.* (RAB.) Ac si di-
ceretur : Ubiecumque nati. Judæos autem in omnibus
gentibus nasci captivitas fecit, quæ sub Antiocho
facta est non multis temporibus ante.

VERS. 6. — *Confusa.* Confusio ista confusione lin-
guarum opponitur, a qua Babel vocabulum sortita
est. Sic humilitas apostolorum humanæ superbie
respondet. *Unusquisque.* Linguae omnes dicuntur
esse septuaginta duæ : unde et discipuli secundi or-
dinis sub hoc numero sunt electi, ut numerus prædi-
catorum concordaret numero linguarum.

VERS. 8. — *Audivimus.* In hoc significabatur
unam Ecclesiam omnium gentium linguis locutaram.

(BEDA.) Quæreritur utrum hi qui loquebantur, etc.,
usque ad magis videbatur audientium esse miracu-
lum quam loquentium.

VERS. 9. — *Cappadociam,* etc. Istæ quinque pro-
vinoæ quæ post Judæam ponuntur, Græce quidem
loquuntur : sed ex patria consuetudine est in sono
diversitas. Unde mira fuit in apostolis gratia, quæ
non solum diversitatem eos docuit, sed etiam distan-
tiam proprietatum in unaquaque linguarum juxta
numerum provinciarum in eorum loquela fecit.

VERS. 10. — *Advenæ Romani.* In Græco, peregrinantes
Romani, id est, Judæi qui peregrinam vitam
Romæ gerebant.

VERS. 14. — *Viri Judæi.* Id est, duæ causæ sunt
prudentie, nimis quod Judæi, et quod habitarent
Jerusalem, quam decet sobrietas.

VERS. 17. — *Effundam.* Hoc verbo largitatem mu-
neris ostendit, quia non ut olim prophetis et sacer-
dotibus tantum, sed omnibus passim in utroque
sexu personis Spiritus erat dandus. *De Spiritu.* Ad
diversa dona respicit dum hoc dicit, non autem ad
substantiæ imminutionem. *Super omnem carnem.*
Quæ sit omnis caro consequenter exponit ibi : *Et*
prophetabunt filii, etc.

(RAB.) Super omnem carnem masculi et feminæ,
vel circumcisi et ethnici, secundum illud : *Non est*
masculus et femina, circumcisio et præputium, Bar-
barus et Scytha, servus et liber (Gal. iii).

Et prophetabunt. Lex et prophetæ usque ad Joa-
ninem : ex eo regnum evangelizatur. Sed aliud est de
Christo prophetare, aliud ventura prædicere et do-
cere.

VERS. 19. — *Et dabo.* Mystice prodigia in cœlo,
labores sunt in Ecclesia. Signa, super terram. Vin-
dictæ, in terrenos. Sanguis, in martyrio. Ignis,
Evangelii vel Spiritus sancti. Vapor fumi, animæ
vel cordis compunctio. *Prodigia in cœlo.* Etenim
Christo nascente, novum sidus apparuit; eo ascen-
dente crucem, sol obscuratus est et cœlum tenebris
obductum.

Sanguinem. Non solum vulneris, sed etiam sudor-
is, quando in agnatione factus est sudor ejus sicut
guttæ sanguinis, quod inter signa Deitatis ponitur,
quia in humana natura non invenitur. Ergo significat

A orbem universum sanguine Christi abluendum, ut
sicut tabernaculum sanguine victimarum fuerat con-
secratum, ita populus fidelis sanguine ejusdem dedi-
caretur : et ut non solum Hierosolymis locus esset
orationis, sed in omni loco dominationis ejus leva-
rent manus electi per orationes ad Dominum. *Vapo-*
rem fumi. Compunctionis et fletum, scilicet vapo-
rem. Quia sicut fumus ab igne, ita compunctio a
Spiritu sancti ardore.

Sol convertetur, etc. Hoc in passione Christi partim
factum partim ante judicii diem creditur videntur.
Tunc enim sol obscuratus est, sed luna in sanguinem
versa hominibus apparere non potuit : quia tunc (ut
pote in Pascha) quintadecima existens, interdiu
fuerat visibus humanis objectu terræ occultata.

B **VERS. 23.** — *Definito consilio.* (RAB.) In hoc solo
Judæi fuere notabiles, quia non obedienti animo se-
cerunt.

Et præscientia Dei, etc. (Io.) In Græco sic est :
Præscientia sic traditum accipientes. Traditus est
enim a præside in potestatem illorum, ut ipsum
sive latronem eligerent, sed latroni concessa vita,
Jesu per manus militum occiderunt.

VERS. 24. — *Suscitavit.* Non usitata cum ceteris,
atque communis resurrectione quæ in finem differtur,
sed quæ die tertia celebraretur, ut assertio hujus
resurrectionis testimonium esset Deitatis.

(RAB.) *Suscitavit,* secundum humanitatem, quam
maxime oderant Judæi.

Solutis doloribus. Videtur esse sensus hujus sen-
tentiae, quod Domino ad inferos descendente dolores
poenarum soluti sint, quia eum tangere non potuer-
unt, sed juxta Græcum in quo scriptum est : *Solvens*
per ipsum mortis dolores, juxta quod impossibile era
teneri illum ab eo, patet, quia per descensum ejus
liberati sunt sancti a locis inferorum ; qui licet in
sinu Abrahæ, id est in consolatione quietis essent,
a dolore tamen mortis sive inferi non erant soluti
ex toto, quia non ineruerant gaudia cœli intrare,
donec fieret illud Prophetæ : In sanguine testimenti
eduxisti vincitos tuos de lacu, in quo non est aqua
(Zach. v). Vincti enim erant antequam educerentur.

D **VERS. 25.** — *Providebam Dominum.* Vox Christi
post resurrectionem exultantis ad dexteram. Simi-
stra, est præsens vita; dextera, æterna. *Ne commo-
vear.* Post resurrectionem omnia erunt immobilia.
Et exsultavit lingua. Quia requies post laborem data
est : laboravit enim in spe vitæ æternæ. *Non dere-
linques.* Non iterum movear corruptione iterate
crucis et mortis. *Notas miki fecisti.* Scio me semper
esse victurum. *Replebis me plena letitia,* id est,
iterum non moriar. *Quoniam a dextris.* Causa quare
non moveatur, est quia Dominus a dextris optulatur,
sinistra non prævalente. Si enim a dextris non
fuerit, illam partem diabolus occupat, sicut de Juda
dicitur : *Et diabolus stet a dextris ejus* (Psal. cxviii.)

VERS. 26. — *Et exsultavit.* In passione dixit : *Tri-*
stis est anima mea usque ad mortem (Matth. xxvi.) :
et cœpit pavere et tñdere : ut se verum hominem

in anima et corpore, et veraciter passibilem mon-
straret. Exsultavit vero postea anima et lingua, quia
passione sua genus humanum salvandum erat.

VERS. 27. — *In inferno*. Constat animam non de-
relictam in inferno, quæ, ablatis illis pro quibus
descenderat, mox ad superna redit, nec caro est
corrupta, sed veloci resurrectione glorificata.

VERS. 28. — *Notas miki fecisti*. Non solum hæc de
illo intelliguntur, qui semel accepta plenitudine di-
vinæ virtutis et sapientiæ, per se mortem destruxit,
resurgens ad vitam; sed et de justis qui per eum
via veritatis inventa ad vitam redibunt et jucunda-
bantur videntes faciem ejus: quia ille visus est su-
per omnia et beatitudo perfecta.

VERS. 33. — *Promissione Spiritus sancti accepta*.
Christus eam accepit sicut verus homo, et tanquam B
Deus effundit Spiritum, sicut Joel dicit: *Effun-
dam*, etc. Item accipiunt apostoli ab ipso promissio-
nem Spiritus qui dicitur a Patre mittendus in Evan-
gelio. *Effudit hunc*, etc. Qui prius Jesum suscitatum
a Deo dixit, nunc fidem auditorum altius erigens,
hunc esse Dominum assignat, quem effusisse Spi-
ritum confirmat: hoc enim est signum. Et pulchre
verbo effusionis usus est: quod prophetam Joel po-
suisse supra memoravit, ut ex hoc etiam constet
ipsum esse Dominum Jesum, qui ante assumptio-
nem carnis loqui consuevit in prophetis, qui signa
et prodigia dat in cœlo et in terra, qui omnes inwo-
cantes se salvat. Et cætera quæ orpheo describit,
quasi verus Deus, explet.

VERS. 34. — *Sede a dextris*. (RAB.) Manifeste Pe-
trus ex hoc psalmo regnum Christi non terrenum;
sed cœlesti, etc., usque ad in altera, ejusdem est
Dominus.

VERS. 36. — *Dominum eum*. Ponens nomen ma-
jestatis et potestatis, ostendit eum esse cui omnis
creatura debet subjici. Christus regis sive pontifi-
calis dignitatis nomen est. In lege ungebantur reges
et pontifices, in figura illius. *Et Christum*. Hie vere
est Christus omni plenitudine Spiritus sancti un-
ctus, qui de eodem Spiritu potentialiter dedit qui-
bus voluit. *Jesum quem*, etc. Jesus est Dominus et
Christus, una in duabus naturis existente persona,
quia in Divinitate æternaliter ex Patre natus in
humanitate temporaliter factus, cum operante Spi-
ritu sancto in utero virginis est incarnatus.

VERS. 37. — *Compuncti*. Impletur prophetia Joe-
lis, quia post ignem Spiritus sancti sequitur vapor
compunctionis. Fumus lacrymas exutere solet, in-
cipiunt flere qui irriserant, tundunt pectus, dant
Deo precem sicut sacrificium, ut sanguinem illum
gustare valeant, per eum salvandi, quem super se
et super filios suos prius fuerant imprecati.

VERS. 38. — *In nomine*. In honore, vel in hac
forma, quia in uno trium fides continetur.

VERS. 39. — *Et omnibus*. Hoc ad illud testimonium
prophetiae respicitur, quod ultimum posuit, scilicet
*Omnis quicunque invocaverit nomen Domini salver-
etur*: quod ad Gentium vocationem pertinet speciali-

A ter; quæ a filiis Israel longe factæ, per invocationem
nominis Domini salvanda erant.

VERS. 40. — *Testificatus est*, etc., id est testifica-
tio et exhortatio. *Salvamini*. Hæc est testificationis
qualitas et exhortationis, sed Lucas plurima verba
Petri brevi conclusit sententia. *A generatione*. Dux
sunt generationes, una honorum, alia malorum.

CAPUT III.

VERS. 2. — *Portam templi*, etc. Hanc portam ædi-
ficavit Joathan filius Oziæ rex Juda, sublimissimam.
Omnes siquidem portæ templi in terra fuerunt, ex-
cepta Speciosa quæ pendebat: quæ ab Hebræis vo-
catur Porta Joathan.

(BEDA.) Porta templi Speciosa Dominus est, per
quæ, etc., usque ad claves cœli sunt datæ.

VERS. 6. — *Argentum*, etc. Memor erat Petrus
illius præcepti: *Nolite possidere aurum et argen-
tum*. Pecuniam etiam quæ ad pedes apostolorum
poniebatur, non sibi recondebant, sed ad usus
pauperum, qui sua patrimonia reliquerant, serva-
bant.

VERS. 8. — *Et exciliens stetit*, etc. Ordo perfe-
ctionis: primo surgit qui jacuerat, deinde iter
virtutum arripit, et sic regni januam cum apostolis
intrat.

VERS. 10. — *Stupore et extasi*. Id est, pavore et
excessu mentis. Dicitur etiam extasis, cum mens
a pavore non alienatur, sed inspiratione revelationis
assumitur.

Cucurrit, etc. (BEDA.) Salvato Israele per apo-
stolos, cucurrit omnis mundus, etc., usque ad solus
per orbem pacificum tenet imperium.

VERS. 13. — *Deus Abraham*, etc. (RAB.) Tres me-
morantur nullo impio intercedente, vel propter prin-
cipiatum justitiae, vel, etc., usque ad quod etiam in
spirituali generatione similiter observatur.

VERS. 15. — *Interfecisti*, voluntate et verbo, et
hoc contra legem, quæ dicit: Qui occiderit hominem
volens, et ipse occidetur.

VERS. 16. — *Integrali sanitatem*, In duobus quæ
prædicta sunt.

VERS. 17. — *Per ignorantiam*. Duo cooperata
sunt: ignorantia vestra, et præscientia Dei.

VERS. 18. — *Per os omnium*, etc. Ideo necesse
erat impleri, quia non unus, sed omnes prophetave-
rant.

VERS. 19. — *Ut delean tur peccata*. Tunc plene de-
lebuntur peccata, cum virtute resurrectionis mors
destruetur novissima.

VERS. 20. — *Ut cum venerint*, etc. Continuative
ad præcedentia hæc dicuntur, scilicet, ut cum vene-
rint tempora refrigerii a conspectu Domini, tunc de-
leantur peccata vestra.

VERS. 21. — *Quem oportet*, etc. Id est, Eccles-
iam per fidem, vel in cœlo ad dexteram Patris se-
dere.

VERS. 22. — *Moyses quidem*. Exempla ponit, non
de omnibus qui locuti sunt, vel quæ, sed de aliqui-
bus duntaxat.

Quoniam prophetam, etc. Filius Dei de populo Israel carnem assumpsit, apparens in similitudine Moysi, ut sicut ille carnalem Israel cæremoniis et sacris legibus instructum et purificatum in terram promissionis introduxit, ita et Jesus per gratiam Evangelii spiritualem Israel ad cœlum duxit. Et sicut contemptores legis Moysi de terra promissionis ab inimicis sunt ejecti, sic qui doctrinam Evangelii despiciunt per ultores spiritus de cœpta sanctorum pellentur.

De fratribus vestris. (RAB.) Josue de Ephraim, Jesus de Juda Deus suscitavit.

VERS. 23. — *Exterminabitur de plebe.* Id est, a sorte sanctorum, et extorris reddetur. Vel, extra terminos beatitudinis ejicitur.

(RAB.) Resistentes Josue, de carnali plebe projecti sunt; at resistentes Christo, de spirituali exterminantur. utramque inobedientiam mors sequitur sive carnalis sive spiritualis.

A Samuele et deinceps. Sub Samuele regum tempora cooperant in Judæa.

VERS. 25. — *Testamenti.* (BEDA.) Ex illo testamento quod ad Moysen, etc., usque ad, in semine tuo benedicentur omnes gentes.

Patres. Posuit plurale patres, et non singulare patrem, quia non soli Abrahæ, sed Isaac et Jacob promissum est. In semine tuo, etc. (BEDA.) Semen Abrahæ Christus est in fide cuius omnibus familiis, Judæis scilicet et gentibus, benedictio promissa est.

Omnis familiae. Non quod omnes, sed quia nulla C benedicitur nisi in eo, sicut et illud: *Illuminat omnem hominem venientem in hunc mundum* (Joan. i).

Benedicentur. In Adæ peccato maledictæ, in Christo benedictæ sunt, in quo et illi benedicuntur qui incarnationem præcesserunt: quia idem homo Deus januam cœli aperuit, et in fine dicet omnibus electis: *Venite, benedicti Patris* (Matth. xxv), etc.

CAPUT IV.

VERS. 1. — *Sacerdotes et magistratus*, etc. Hic doctores et judices populi esse videbantur. *Saducæi.* Hi negabant resurrectionem; et ideo in doctrina apostolorum qui annuntiabant resurrectionem, dolebant.

VERS. 2. — *Dolentes*, quod ad audiendos apostolos D confluueret multitudo.

Resurrectionem. Hoc est maxime contra Sadduceos: utriusque vero dolebant quod Jesum, quem ut hominem occuerant, apostoli a Deo Patre gloriosum affirmabant.

VERS. 4. — *Et factus est*, etc. Si in quinque milibus hominum quos in eremo Dominus pavit, populus legis a Christo liberatus accipitur, possunt et hic qui que millia ab apostolis instructa populum gentium designare: ejusdem legis spiritualiter mysteria seculorum. Et bene utique vesperi cœlesti munere donantur, quia cum venit plenitudo temporis, misit Deus Filium suum in terris, etc.

VERS. 11. — *Hic est lapis.* (RAB.) Hic respondens ad interrogata de Christo prædicat, et maxime de David, cui, veluti patriarchæ suo, præ cæteris crediderent.

Reprobatus. (AUG.) De lapide reprobato historia non habetur.

VERS. 13. — *Sine litteris*, etc. Non quia litteras omnino nescirent, sed quia grammaticæ artis peritiam non haberent, hæc dicebantur. *Idiotæ.* Idiotæ dicebantur, quia proprium ingenium non exercuerant per doctrinam: *iōtōpia* Græce, Latine proprietas.

(BEDA.) Illitterati mittuntur ad prædicandum, ne fides credentium non Dei virtute, sed eloquentia fieri putaretur: secundum illud: *Non in sapientia verbi, ut non evanescatur crux Christi* (I Cor. i).

B VERS. 19. — *Petrus vero*, etc. (RAB.) Qui estis iudices, vestrum facile officium, non sermonem pravum proferendo, sed juste judicando. Ecce plenum frumentum in spica invenitur: quod ante quasi in herba flectebatur.

VERS. 20. — *Non enim possumus.* Id est, nolumus, vel in naturam versum est (at angelis confirmatis) non peccare.

VERS. 21. — *Clarificabant.* In Græco: Omnes clarificabant in eo, quod factum est: et non habetur in eo quod acciderat.

Clarificantur facta vel dicta, quando fama vulgante in notitiam plurimorum deferuntur. Deus autem glorificatur in factis hominum, quod est proprium Christianæ pietatis et humilitatis, ipso dicente: *Videant opera vestra bona, et glorificent Patrem vestrum, qui in cœlis est* (Matth. v).

VERS. 22. — *Annorum enim*, etc. Unde apparuit amplior gloria vel gratia virtutis, et ideo non ætatem hominis, sed tempus infirmitatis dicit.

VERS. 24. — *Unanimiter*, etc. Sine sono. Vel perfectione unanimitatis, secundum illud: *Si duo vel tres convenerint in unum in nomine meo, de omni re quam petierint, sicut illis.*

VERS. 25. — *Fremuerunt gentes.* Fremitus est vox leonis. Unde Jeremias: *Facta est mihi hereditas mea quasi leo in sylva: dedit super me vocem* (Jer. xii). *Meditati sunt inania.* De Christo venturo, vel ut in morte detineretur.

VERS. 26. — *Convenierunt.* Herodes et Pilatus converunt in amicitiam.

VERS. 27. — *Unxisti.* Nomen Christi exponunt. Christi, a chrismate, id est unctione, secundum illud: *Unxit te Deus Deus tuus oleo latitiae præ consortibus tuis* (Psal. xliv).

VERS. 29. — *Cum omni fiducia.* Hoc Deum postulant, ut cum omni fiducia possint loqui verbum Dei.

VERS. 30. — *Per nomen.* In Græco: *Per nomen pueri tui Jesu*, quod magis apostolorum votis congruit, qui satagebant, ut homo crucifixus a Judæis clarescentibus miraculis, per noniem ejus, qui est in cœlum assumptus, ipsem Dei Filius innotesceret.

VERS. 31. — *Motus est locus.* Magna virtus oratio-

nis fidelium, hoc autem ad suscitandas mentes factum est.

Vers. 52. — *Erat cor unum.* Qui mundum reliquerant, non de nobilitate generis gloriantes se alii præferebant, sed sicut unius ejusdemque matris Ecclesiæ visceribus editi, eodem fraternitatis amore gaudebant. *Nec quisquam eorum.* Virtutes quas possident justi, non suas judicant esse, sed eorum quorum utilitati dispensant. *Communia.* Græce οὐαὶ: unde cœnobitæ, id est communiter viventes. Cœnobia habitacula eorum.

Vers. 53. — *Reddebat apostoli.* Discernit ordinem doctorum et auditorum. Nam multitudo credentium, rebus temporalibus spretis, copula charitatis invicem jungebantur. Apostoli vero, virtute fulgentes, mysteria Christi pandebant.

Vers. 56. — *Joseph.* (RAB.) Auctus Barnabas filius consolationis interpretatur, auctus incremento et profectu spiritualis boni.

Quod est interpretatum. Ubiunque Scriptura nomina rerum vel personarum cum interpretatione ponit, sensum sacrae rem eisdem inesse significat. Merito filius consolationis vocatur, qui, spretis præsentibus, spe futurorum se consolatur. Nam et Spiritus sanctus paracletus ideo vocatur, quia in mundo pressuram habentibus infusione sui, paraclesim, id est consolationem tribuit, sicut etiam Petrus propter gratiam Spiritus Barjona, id est filius columbae, vocatus est.

Filius consolationis. (RAB.) Vel propter elemosynam qua pauperes consolatus est, vel pro mercedis consolatione quam meruit a Deo accipere, vel quia dignus habitus est qui pro Juda consolareetur apostolos.

CAPUT V.

Vers. 3. — *Tentavit.* (RAB.) Praeteritum tentavit ponit, quia perfecta erat tentatio. Tribus modis tentatio agitur, suasione, delectatione, consensu: quod totum impletum est in Anania. *Et fraudare.* (Id.) In hoc videtur mendacium fuisse, quia totum voverat. Melius est autem nou vovere quam post votum non solvere Spiritui sancto.

Vers. 4. — *Sed Deo.* Supra dixerat; *Spiritu sancto:* patet ergo Spiritum sanctum esse Deum.

Vers. 5. — *Cecidit.* (RAB.) Legum initia semper vindictis comminendantur. Duo filii Aaron ignem offertentes consumuntur: Oza sustinens arcum mortuus est. Cecidit ille, ut cæteri prævaricatores exemplo ejus terreatur.

Et factus est timor, etc. (Beda.) Anticipatio: quoniam solius viri morte ante uxoris exitum pauci auferant, quamvis de paucis dici potuerit, quod timuerunt.

Vers. 7. — *Horrarum,* etc. (RAB.) Parvum tempus penitentiae datur uxori, cuius culpa magis est venialis quam mariti, utpote que consensit capiti.

Vers. 8. — *Dic mihi,* etc. (Id.) Culpam uxoris, interrogans, declarat ex ipsius confessione, quam maritus suam monstraverat in opere.

A **Vers. 9.** — *Quid utique,* etc. Increditive dictum? vel sic distinguendum: quid? quasi: Quid est hoc: deinde sibi ipse respondet et dicit: Utique convenit inter vos tentare Spiritum Domini?

Tentare, etc. (RAB.) Tentatio Spiritus in hoc erat quod probaverunt quanta sit ejus scientia.

Sepelierunt. (Id.) Ex hoc multi exemplum sumunt, ut uxores ad viros suos sepeliant. Alii indignum putant, ut de prævaricatoribus exempla capiant, quibus in criminis simul et morte et sepultura meritum, æquale fecerat consortium.

Vers. 11. — *Et factus est.* Prius Ananias a Sapphira in conspectu Ecclesiæ cito mortui sunt, ut apostolica auctoritas, quanta esset, ostenderetur: et quam magnum peccatum esset, quod oblatum est,

B iterum ab Ecclesia retrahere monstraretur, et cæteri hujus exemplo castigarentur.

Vers. 12. — *Apostolorum.* Dicitur pluraliter apostolorum, quia non per manum solius Petri; licet enim pro honore ejus cæteri taceantur, non tamen facta eorum tacentur.

Vers. 13. — *Cætorum,* etc. Exemplo Ananiae et uxoris: poena enim duorum qui fraudulenter eis se coniungerant, cæteris tribuit exemplum.

Vers. 14. — *Augebatur,* etc. (RAB.) Tanta erat multitudo credentium, ut fidei crescente fortitudine, sola sufficeret umbra. Vel: Tot erant tunc infirmi a credentibus allati, ut omnes non possent contingere.

C **Vers. 17.** — *Hæresis.* (RAB.) Hæresis scissio interpretatur, quia hæreticus, spretis aliiorum dictis, quod sequendum putat eligit.

Sadducæorum repleti, etc. Sadducæi interpretantur justi, dicti a Sadoch sacerdote, vel propter genus, vel propter mores; justificantes autem seipso vindicabant sibi quod non erant: corporum resurrectionem negantes, animas cum carne perire dicebant: sed nec angeluni, neque spirituum ullum esse credebant, omnes Scripturas præter libros Moysi respuebant: et ideo maxime principibus in persecutione apostolorum consentiebant qui virtute et signis redabant testimonium resurrectionis Christi.

D **Vers. 20.** — *Vitæ hujus.* (RAB.) Christianæ, vel æternæ. Hoc autem ideo non additur, quia famosa erat secta Christianorum, pro qua traditi erant carceri.

Vers. 23. — *Carcerem quidem,* etc. Insani Judei qui stimulante invidia dicunt furantibus apostolis Jesu de monumento sublatum, cuius furto dicant apostolos de carcere clauso ablatos.

Vers. 24. — *Magistratus.* Secundum Græcum magistratus legendum est in singulari numero, sicut et in sequenti ubi dicitur: Tunc abiit magistratus cum ministris. Ambigebant. Nec sic credunt: malitia enim interior corporis signis etiam manifestis obdurat.

Vers. 28. — *Præcipiendo* etc. In Græco: Nonne præcipiendo præcepimus vobis? Nam sic loqui, magis convenit interroganti. *Replexis Jerusalem.* Principem civitatum, in qua etiam nos conversamur. In hoc ignoranter laudant apostolos, qui nec territi ni-

nis cessant prædicare. *Super nos sanguinem.* (RAB.) A Ratet per antiphrasim dictum esse: *Sanguis ejus super nos.*

Temeraria interrogatio pontificis refutatur responsione prudenti.

(Id.) Interrogant, solet enim in verbis esse dubietas, cum in corde firma teneatur sententia.

VERS. 30. — *Deus patrum.* (RAB.) Non novus, nec a nobis nuper inventus: hoc autem dicit, ut eorum inobedientia sit inexcusabilis.

VERS. 32. — *Spiritus sanctus.* Nos Spiritus sanctus roboravit, ut vobis etiam resistantibus magnalia Dei firmiter predicemus, in nobis loquens format verba quæ auditis.

Omnibus. (RAB.) Non nobis solis, sed omnibus obedientibus, etiam vobis, si velitis accipere. In hoc ad pœnitentiam provocat.

VERS. 34. — *Gamaliel.* Hic erat discipulus apostolorum, ut putatur, remanens apud Judæos consilio Apostolorum, ut pessima destrueret consilia, et furem eorum mitigaret.

VERS. 36. — *Theodas.* (BEDA.) Theodas persuasit multis sublati ex urbe facultatibus suis ripas Jordani obsidere, et cum esset magus, prophetam se dicebat, et diviso fluvio se præbere transitum promittebat. Cui jussu Fadi procuratoris equitum turba superveniens, multis peremptis aut captis, ipsius caput Hierosolymam revexit.

VERS. 37. — *Judas Galilæus*, etc. De hoc Josephus dicit, quia cogebat populum ne tributa solvendo Romanis libertatem amitteret: proferens ex lege soli Deo serviendum, et eos qui decimas dabant, tributa non dare debere. Quæ heres intantum crevit, ut Pharisæi et multa pars populi Christum interrogarent, an liceret tributa dare Cæsari.

VERS. 40. — *Cæsis*, etc. (RAB.) Ecce fortitudo fidei patet, quæ nec verbis cohiberi poterat, nec flagellis. Prius sunt sermones prohibiti, modo flagellis cresci.

VERS. 41. — *Quoniam digni.* Non putabant se laborare, sed maximum munus percipere: quia *Beati qui persecutionem patiuntur propter Deum* (*Matth. vi.*).

VERS. 42. — *Omni autem die*, etc. Sæpe talia interponuntur capitula, breviter multa colligentia, ut quasi finis præterito sermoni, et fundamentum statuant sequenti.

CAPUT VI.

VERS. 1. — *Græcorum.* (RAB.) Sive advenarum gentilium in civitate conversantium: sive, etc., usque ad quotidiano ministerio gravabantur.

Despicentur. (Id.) Ex defectu plus gravarentur.

VERS. 2. — *Non est æquum nos*, etc. Ostendunt Apostoli episcopos et doctores Ecclesiæ non debere corporalibus rebus implicari.

VERS. 3. — *Considerate*, etc. (BEDA.) Hinc jam defreverunt apostoli, etc., usque ad non sine septenarii numeri mysterio.

A VERS. 4. — *Nos vero*, etc. De scipsis non interrogant, sed judicant.

VERS. 5. — *Et elegerunt*, etc. (RAB.) Hic ordo servandus est in ordinandis: eligat populus, ordinet episcopus.

Stephanum. Hic primus ponitur, et solus laudatur, ut in uno omnes laudentur, aut primo martyrii honor feratur.

VERS. 6. — *Et orantes.* Communis dispensatio exigit ut ministri eligerentur, qui ut digni inventi sunt, crescente gradatim providentia consilii salutaris, placuit eosdem ipsos sacri altaris et Dominici sanguinis, sicut refectionis, et mensæ communis ministros ordinari. Quod probatur inde, quia dictum est: *Orantes imposuerunt eis manus*: hoc est proprium eorum qui ad sacrosancti altaris promoventur officium. Hoc exemplo orationes sunt in ordinibus, licet oratio apostolorum non sit scripta.

VERS. 7. — *Et verbum*, etc. (RAB.) Quasi recapitulatio videtur, quia dixerat: *Omni die non cessabunt docentes*, etc., et in hoc ipsum reddit, dicens: *Et verbum Domini crescebat*.

(Id.) Sæpe in hoc libro, et in Evangelio etiam talia interponuntur capitula, etc., usque ad quia prius crescente plebe zelus fuerat concitatus.

VERS. 8. — *Stephanus*, Græce; Latine, *corona*: qui quod præcepturus erat in re, presagio nominis præoccupabat: quia post crucem Christi primus martyrio coronatus est sublimiter, qui lapidatus est humiliter. Hebraice interpretatur Stephanus *norma nostra*, qui primo passus, sequentibus martyribus factus est forma mori pro Christo.

VERS. 13. — *Homo iste*. Ex respectu, non vocant eum proprio nomine, sed hominem quasi carnalem et insimum appellant.

CAPUT VII.

VERS. 2. — *Viri fratres et patres.* Quia Stephanus insimulabatur blasphemasse in Moysen et Deum, in principio sui sermonis illorum calumniæ occurrit, dicens Deum qui loquebatur patribus et prophetis Deum esse majestatis et gloriae. Moysen etiam laudat: sed illos rebelles et semper inobedientes comprobant. Sed arte loquendi usus est ad rebelles, incipiens D quasi timeret eos: sic, *Viri fratres et patres*: lenis sermo et clemens conciliat auditorem, ut commendet actorem. Blande cœpit, ut diu audiretur, et qui recusabat contra Deum, et legem loqui, verum Deum prædicat in principio orationis. Legem etiam sic exposuit, ut ejus esset prædictor cuius accusabatur destructor: in processu etiam sermonis errores eorum redargens, vigorem animi, et quod liber erat a timore inimici perdocuit.

Deus gloriae, etc. Memor Stephanus præcepti illius: *Diligite inimicos vestros* (*Luc. vi.*), etc., persecutoribus suis salutem nuntiavit.

In Mesopotamia. Mesopotamia in capite Syrie constituta ad aquilonem.

(RAB.) Mesopotamia et Charram in Chalcea sunt, de Mesopotamia transmigravit in Charram.

VERS. 3. — *Et dixit*, etc. In Genesi videtur contineri quod post mortem patris sui locutus est Dominus Abrahæ qui in Charra mortuus est, ubi cum eo filius habitavit. Sed priusquam in civitate habitaret, cum esset in Mesopotamia, dictum est ei :

Exi de terra tua, etc. Terram et cognitionem Abrahæ Chaldæorum patriam, genusque appellat, unde jam exierat, degens modo in Mesopotamia ; sed adhuc tenebatur spe et desiderio redeundi, et ideo audit : *Exi de terra et de cognitione tua*; non ut corpus extraheret (quod jam fecerat), sed amorem cordis evellet.

(RAB.) Tertium Stephanus prætermisit, id est, *et de domo patris tui* : quod factum est propter nimiam populi peritiam vel imperitiam.

VERS. 4. — *Tunc exiit*, etc. (RAB.) De Ur Chaldaeorum Abraham exivit. Ur, etc., usque ad mortuo patre dictum est ei : *Exi de terra tua*, etc.

Pater ejus, etc. (Id.) Redit ad originem generis Israel, et amicitiae divinæ exordium, ut nihil prætermittat in quo blasphemare videatur.

Vos habitatis. Dixit vos, non vero nos, quia jam quodammodo apostoli terram reliquerant, et Stephanus, qui jam quasi in morte positus erat

VERS. 6. — *Quia erit semen*, etc. (BEDA.) Non ita intelligendum est, quasi male tractandum, etc., usque ad sive in terra Chanaan, sive in Ægypto.

Annis quadringentis. (RAB.) Sic est jungendum : Accola, etc., usque ad ad distributionem terræ promissionis completus est.

VERS. 7. — *Judicabo*. (Id.) Judicium aliquando discretionem significat, ut ibi : *Judica me, Deus, et discerne causam meam* (Psal. XLII). Aliquando pœnam, ut : *Judica illos, Deus* (Psal. V).

VERS. 8. — *Testamentum circumcisionis*. (Id.) Fœdus sive signum ideo factum, ut populus Israel, etc., usque ad signatur vitandam esse jactationem glorie in circumcisione spirituali.

Die octavo. (RAB.) Octo diebus mysterium circumcisionis nostræ ostenditur, qui per octavam Novi Testamenti (quæ in resurrectione Domini, et octo beatitudinibus continetur) a vitiis octava die circumcidimur.

VERS. 9. — *Vendiderunt in Ægyptum*. Breviter narrans transit ad finem, non enim primo Ægyptiis, sed Ismaelitis negotiatoribus, et Madianitis venditus est, et illi vendiderunt eum in Ægyptum Putiphar sacerdoti.

VERS. 14. — *In animabus*. Hoc secundum editio nem Septuaginta interpretum dicitur. In Hebræo septuaginta tantum reperiuntur.

(RAB.) Si Jacob et Joseph cum duobus filiis non numerantur, etc., usque ad quam pro Hebraica veritate sermonem suum suspectum facere.

VERS. 15. — *Et descendit*. Secundum situm locorum descensus est de terra promissionis in Ægyptum,

A et quia libertati successerat servitus, Jacob cum progenie descendisse in Ægyptum dicitur.

VERS. 16. — *Translati*. (RAB.) Per synecdochen dicuntur translati propter Joseph, cui Jacob, etc., usque ad, *Ferte ossa mea hinc vobiscum* (Gen. L).

(BEDA.) De solo Joseph Scriptura testatur, quod ossa ejus, etc., usque ad duodecim patriarchæ non sunt sepulti in Arbe, sed in Sichem.

Et positi sunt, etc. (RAB.) Docet Genes̄is Abraham ab Ephron filio Seor Ethæi, etc., usque ad nec Moysi, nec Domino servire voluerunt.

In sepulcro, etc. Hoc de solo Jacob, cuius corpus filii de Ægypto tollentes sepelierunt in spelunca duplice, ubi Abraham cum Sara sepultus est, et Isaac cum Rebecca : et ibi Lia condita est : unde civitas illa vocatur Hebron, id est conjugium, quia patres ibi cum conjugibus sepulti sunt. Duas autem historias confundit, et alteram alteri implicat. Non enim a filiis Emor filiis Sichem emit Abraham, sed Jacob ab illis emit Sichem ; ideo sic jungendum est : Translati sunt in Sichem a filiis Emor filii Sichem : quasi diceretur, in Sichem illam quam emit Jacob a filiis Emor filii Sichem. In Genesi legitur Sichem filius suis Emor, unde putant quidam duos fuisse Sichem, quorum alter a Luca dicitur pater Emor, alter a Genesi filius. Quidam jungunt principium et finem sermonis, dicentes, a filiis Sichem, et post inferunt, Emor filii, ut hic locus congruat Genesi.

VERS. 18. — *Rex alius*. Rex iste diabolus est, qui effematos diligit, masculos odit.

VERS. 19. — *Genus nostrum*, etc. Patres nostros dicit, et, genus nostrum, ne patres blasphemare videatur.

VERS. 20. — *Gratus Deo*, etc. Ostendit beatus Stephanus quod Moyses non blasphemaverit.

VERS. 22. — *Moyses*. (RAB.) Moyses idem valet quod *aquaticus*, quia de aqua est assumptus, vel *liniens*, quia inventus est in fiscella, bitumine lita. Moyses typus est Salvatoris, qui, percusso diabolo, genus suum liberavit.

VERS. 24. — *Vindicavit illum*, etc. Ostendit illum qui injuriā faciebat non esse de genere suo.

VERS. 26. — *Apparuit illis*. (RAB.) Sic Christus post ascensionem apparuit per apostolos, litigantibus D. Iudæis et insidelibus qui resistebant apostolis.

VERS. 27. — *Quis te constituit*, etc. Quasi respondeat Moyses : Nullus, sed : Solus Deus. Non est potestas nisi a Deo. Hinc tale a Christo responsum quidam acceperat : *O homo, quis me constituit judicem aut divisorem super vos* (Luc. XII)? *Quis te constituit*, etc. In contentione sua illos redarguit iam tunc legi et Moysi fuisse contrarios.

VERS. 28. — *Nunquid*, etc. Quidam putant illum qui defensus est ex ira rem protulisse.

VERS. 29. — *Fugit*. Moyses fugit in Madian, id est, Christus in gentes.

VERS. 30. — *In igne flammæ*, etc. Ignis in rubo Spiritus sanctus, peccata populi quasi spinæ, quia ardor Spiritus sancti peccata illius populi non con-

sumpsit qui densas nequitiae spinas beneficiis Dei A posuit, quia trans Damascum ducti sunt in Babylōnem, sive trans Babylonem.

(RAB.) Ideo forma ignis (quæ non est imitabilis) ostensa est illis, ne aliquam, etc., usque ad quam promptum homini calceamentum tollere.

VERS. 32. — *Ego sum. Sum*, proprium Dei verbum est, secundum illud : *Ego sum qui sum*, etc. : *Qui est, misit me ad vos.* Serpentes non sunt timendi, ubi Deus præsens loquitur.

VERS. 33. — *Solve calceamentum.* Hoc nos admonet, ut stantes in Ecclesia (quæ est sancta terra), mortuis operibus renuntiemus.

VERS. 34. — *Videns*, etc. (RAB.) Deus totus est visus, totus est auditus, omnia videt, omnia audit, sed videre et audire dicitur quando miseretur.

Vidi afflictionem. (Id.) Qui licet aliquem tentari permittam, non tamen putandum est quod nesciam.

VERS. 35. — *Quem negaverunt.* Synecdoche. Multi dicuntur negasse, cum unus dixisset, vel forsitan quia plures consenserunt uni neganti.

Principem. Magna laus, quod princeps et redemptor et eductor populi dicitur.

VERS. 37. — *Hic est Moyses.* In eos culpam retorquet, quam ipsi inobedientes et increduli in Moysen refundebant.

VERS. 38. — *Verba vitae.* (RAB.) Id est, duas tabulas cum Decalogo, et mandata cætera, de quibus dicitur : *Qui fecerit ea, vivet in eis.*

VERS. 40. — *Ad Aaron.* (Id.) Quasi ad principem. Quasi ignari Divinitatis loquuntur. Deus enim verus non est factus, sed omnia fecit, nec creatura est, sed Creator omnium.

Fac nobis deos. (Id.) Deos dicunt, propter duas columnas, etc., usque ad columnam ignis in nocte populum præcedebat.

VERS. 42. — *Militia cœli.* Militia cœli aliquando dicitur exercitus angelorum, sed in hoc loco, sidera militiam cœli nominat, cum protinus addat, *situs Dei vestri.* In libro, etc. Quamvis multi sint prophetæ, unus tamen liber dicitur esse, et apud Hebreos unus est liber.

Nunquid victimas. (RAB.) Quamvis ueritate serviendi Deo libarent, mente tamen, etc., usque ad semper corde in Ægyptum sunt reversi.

Quæritur quomodo non obtulerint Deo, cum legatur Deo eos quedam obtulisse, non voluntate, sed metu pœnarum? Deus autem non aucte offeruntur, sed voluntatem offerentium accipit.

VERS. 43. — *Figuras*, etc. (RAB.) *Situs Dei vestri* est Lucifer, cui assignaverunt figuræ. Idem dicitur in figuris et stellis adorabantur.

(Id.) Quidam sic dicunt *situs Dei vestri*, ut ad Deum pertineat verbum, quia non ipsum Dominum, sed ejus *situs suscepserunt*.

Et transferam. Propter hæc sacrilegia trans Babylonem ducemini captivi. Non est putandus primus martyr errasse, qui pro eo quod in propheta scriptum est, Trans Damascum ducti sunt, dixit, trans Babylonem : magis enim intelligentiam quam verbum

contra sanctum locum agere, ostendit quod in saeculum locum non est locutus blasphemiam.

Secundum formam. (RAB.) Quam ei in Sina ostenderat, quia et secundum formam factum, ostenditur ipsum tabernaculum formam fuisse.

(Id.) Historice cum Jesu dicitur, quia Moyses erat defunctus.

VERS. 46. — *Ut inveniret tabernaculum.* Id est verum templum, cuius illud figura, quod loco non mutaretur, id est Ecclesiam quam prævidebat futuram firmam et immutabilem, de qua Apostolus : *Firmum fundamentum Domini stat (II Tim. II, 9).* Et alibi : *B Fundamentum aliud nemo potest ponere præter illud quod positum est, quad est Christus Jesus (I Cor. III).*

VERS. 48. — *Sed non Excelsus.* (RAB.) Ex sententia Salomonis Iudeos conuincit, etc., usque ad non in solo templo Iudeorum eum habitare.

Sicut per prophetam, etc. De tabernaculo primo, quod fuit umbra et non veritas, prius dixit, postea testimonium posuit dicentis de tabernaculo quod verius fuit. *Si introiero in tabernaculum Domini, etc.*, ad ultimam sententiam posuit Deum. Ut in ore duorum vel trium testium sit omne verbum.

VERS. 49. — *Cœlum mihi.* Sic demonstrat se circumdare omnia; unde alibi, cœlum se palmo metiri, et terram pugillo se concludere asserit.

Terra autem. Terræ exemplo designat omnem creaturam Creatoris.

VERS. 51. — *Dura cervice.* (RAB.) Purgatus a criminis, de quo falsi testes eum arguebant, incipit Iudeos arguere, quia qui sine crimen est, dignus est doctoris officio.

Et incircumcisus, etc. Ostendit eis circumcisionem, de qua contra gratiam Evangelii gloriabantur, non valere ad salutem iis qui cogitationem et auditum habebant immundum.

VERS. 52. — *Putres vestri.* (RAB.) Supra patres nostri dicebat, persuadendo loquens, nunc increpando, patres illorum tantum vocat, quibus similes sunt in malitia.

Et occiderunt. (RAB.) Tres gradus malitia eorum ponit : primus est, quod spiritui resisterent ; secundus quod prophetas persecuti sunt ; tertius, quod crescente malitia eos occiderunt.

VERS. 53. — *Stantem.* Immobileiter, quia non iterum casurus, vel indicatur habitus auxiliantis, et injurias judicantis, et pro servo pugnantis.

Video cœlos. (RAB.) Migratus a terra, cœlos vidit aperios, ut qui terrenam vitam pro Christo contempsit, mereatur hereditatem cœli, et ideo in ipsa passione videt præmium.

Filium hominis. Cum Christus sit Filius Dei, maluit tamen appellare Filium hominis, ut confundatur Iudeorum insidelitas, qui eum ut purum hominem crucifixerunt, quem Deum credere noluerunt.

VERS. 57. — *Et ejientes.* (RAB.) In hoc se implere legem glorificabant. Moyses enim de blasphemante dixit : *Educ eum foras extra castra, et lapidet eum populus* (*Lev. xxiv.*).

VERS. 58. — *Domine Jesu, suscipe spiritum meum,* in cœlum quod video apertum. Christus dixit Patri : *Pater, in manus tuas commendabo spiritum meum.* Stephanus, quasi servus Domino, *Domine, etc.*

Quia nesciunt. (RAB.) Multi eorum, occidendo Stephanum, aestimabant se implere legem, quia blasphemum eum credebant. Hoc et Christus prædixerat : *Veniet, inquit, hora, ut omnis qui interficeret eos arbitretur se obsequium præstare Deo* (*Joan. xvi.*).

VERS. 59. — *Obdormivit.* Pulchre dictum est, *Obdormivit, et non, Martuus est,* quia obtulit sacrificium dilectionis, et obdormivit in spe resurrectionis. **B** Sancti non moriuntur, quia in melius mutantur, et vita temporalis in aeternum vertitur.

Saulus autem, etc. Non quidem lapidayit, sed lapidantibus consensit. Unde periret, nisi gratia Dei et pœnitentia ei subveniret; quia qui faciunt et consentiunt, digni sunt morte.

CAPUT VIII.

VERS. 1. — *In illa die.* (RAB.) Quia Stephanus occisus est, non quia tunc solum facta, sed quia ab illa die cœpit persecutio magna, occiso uno de principibus Ecclesiæ.

Ecclesia. Collectio vel congregatio, sive vocatio. *Dispersi sunt.* Hoc est quod Dominus præcepit : *Cum persequentur vos in civitate ista, fugite in aliam* (*Matth. x.*). Ejus enim nulli gerebatur : ut occasione tribulationis sicut seminarium Evangelii.

VERS. 2. — *Curaverunt autem Stephanum viri timorati,* id est, Deum timentes, sive Christiani, qui postea sunt dispersi, sive Iudei timentes Deum etsi nondum Christiani.

VERS. 3. — *Saulus.* (RAB.) A Saule persecutore qui rex Israel fuit de tribu Benjamin, de qua et Paulus; etenim juxta antiquorum consuetudinem a maioribus posteri nomina trahunt.

Derastabat. (Id.) Quasi lupus gregem, juxta prophetiam Jacob : *Benjamin lupus rapax mane comedet prædam, sero dividet spolia* (*Gen. xl ix.*).

Trahens. Trahebat, non occidebat, quia fortasse manus ejus custodiebat Dominus, ne sanguine innocentum polluerentur.

Dispersi. (RAB.) Quamvis timore dispersi, tamen stabiles erant in predicatione Evangelii.

VERS. 5. — *Philippus.* De numero disseminatorum fuit, qui primus Christum prædicavit Samariæ. Diaconus secundus a Stephano. Secundus post ipsum narratur quasi hæres et ejusdem gradus.

VERS. 6. — *Intendebant.* (RAB.) Credebat audientes verba, et videntes signa. Duæ causæ fidei : Verba prædicationis, et signa virtutum. Ex presenti capitulo et samaritanæ mulieris historia probatur animos hujus gentilis ad credendum promptos fuisse, ait Beda.

A **VERS. 11.** — *Magis.* (RAB.) Magi de singulis philosophantur, de natura mundi, cursu siderum, et motibus. *Seducens.* Seorsum et a veritate ducens, vel in excessum, sive stuporem et admirationem convertens, per præstigias suas. *Dementasset.* Dementare est rationalem mentem absentare.

VERS. 12. — *Philippo.* (RAB.) Dicunt quidam istum Philippum suisse apostolum, et unum de duodecim, sed non videtur verum secundum seriem hujus libri.

Jesu Christi. (Ip.) Cujus erant ignari vel (ut prædictum est) in nomine Jesu Trinitatem prædicavit, et qui tantum unam personam de Trinitate perfecte credit, crudelitate aliarum duarum carere non potest.

VERS. 13. — *Tunc Simon.* (Ip.) Vel credidit Dominus, verbis Philippi et virtute, etc., usque ad Ecclesiam fraudulenter ingressi, baptisma furantur.

VERS. 14. — *Miserunt.* Petrus Joannem sociat sibi, quia virginitas Ecclesiæ grata est, et placet.

VERS. 16. — *In nomine.* Non est sic legendum, in nomine Jesu tantum, ut aliæ personæ excludantur, sed sic : *tantum baptizati erant, etc.,* id est necdum confirmati. Jesu. Tamen ante, in Patrem credeban et in Spiritum sanctum, sicut alii Iudei. *Vel, plena fides unius personæ fidem Trinitatis confirmat.*

VERS. 17. — *Imponebant manus.* (BEDA.) Philippus, qui Samariæ evangelizabat, unus de septem, etc., usque ad cum tradit Spiritum paracletum baptizatis.

C **VERS. 19.** — *Potestatem.* (RAB.) Non baptizandi tantum in aqua et prædicandi, sive virtutes faciendo quam habebat Philippus, sed enicunque imponendi manus, etc.

VERS. 20. — *Pecunia tua.* Non nostra, qui non cupimus, sed tua, quam Spiritui comparas, ut illam pro eo vendas, et illam Spiritu emas. Ideo Spiritum emere volebat, ut aliis vendens eum, plus accipere posset.

Pecunia. (RAB.) Ex hoc exemplum capit, ut perditorum eleemosyna non recipiatur.

Apostoli nolentes pecuniam, dicunt, *sit tecum, id est tuam retine, et hoc, in perditionem, ut, pecunia injuste congregata, pœnam æternam luas.*

D **VERS. 22.** — *Pœnitentiam age.* Pro cupiditate, et pravo sensu quo putasti de Spiritu commercium fieri posse.

(RAB.) Ut omnes videant id quod es. Non quod ignoret Petrus eum pœnitentiā non acturum, sed quia omnibus justum est prædicare, suum facit officium, ut ille sit inexcusabilis. Coram omnibus etiam arguitur ne amplius ab eo fallantur.

Roga Deum. Cui patet cor, de quo Prophetæ : *Quam bonus Israel Deus* (*Psal. lxxii.*); quem fallere nemo potest, quia *Spiritus sanctus disciplina effugiet factum* (*Sap. i.*).

VERS. 24. — *Precamini.* Causa desperationis non audit ipse precari, sed apostolos rogat, ut pro se precentur, nec pro se audit orare, qui non credit se exaudiendum esse. Apostolis etiam sicut loquitur.

Quæ dixisti. Non quæ credidi, sed quasi infidelis A eis imputat quæ ventura sunt.

VERS. 26. — *Angelus autem. Post redditum apostolorum, de Philippo historia texitur. Ad viam, etc. Nam via descendit, et per viam descenditur ex natura loci.*

VERS. 27. — *Æthiops. Natura et merito. Æthiops enim tenebrosus. Unde : Æthiopia præveniet manus ejus Deo (Psal. LXVII).*

Potens, etc. (BEDA.) Regina Æthiopum thesaurarium præmittens, etc., usque ad, Audi, filia, et vide et inclina aurem tuam (Psal. XLIV), etc.

Candacis reginæ. Mos erat illius regionis a feminis regi, et eas Candaces vocari.

VERS. 28. — *Revertebatur. Incipiebat reverti legens Isaiam. Ubicunque in Novo Testamento salutis narratur principium, de Isaia sumitur testimonium, qui interpretatur salutis Domini.* B

VERS. 30. — *Putasne intelligis, etc. (RAB.) Suas invicem linguas agnoscunt, vel per doctrinam eunuichi vel per spiritum Philippi.*

VERS. 31. — *Quomodo, etc. Hic arguit illorum audaciam qui existimant sine doctore Scripturam divinam intelligere*

VERS. 33. — *In humilitate. (BEDA.) Etenim judex omnium, veritatem judicii non reperit, sed sine ulla sua culpa, seditione Judæorum, et voce Pilati, damnatus est.*

Humilitate. (RAB.) Passione qua humiliavit se sanctus obediens usque ad mortem (Philip. II).

Tolletur. Secundus homo de celo cœlestis, sanctitate segregatus a terrenis, vel de vita in mortem transibit. C

VERS. 35. — *Aperuit. (RAB.) Thesaurum scientiae aperuit. Vel apernit os, ut Spiritus loquatur in eo, secundum illud : Dilata os tuum, et implebo illud (Psal. LXXX).*

Mystice, os Ecclesiæ Philippus aperuit, ut ex hoc Gentibus is prædicetur quem prius nesciebant.

Evangelizavit. Solvit quæstionem illius interrogantis : De quo propheta dixit ? Demonstrat autem quod de Jesu prophetatum est.

VERS. 36. — *Ad quamdam aquam. Ad hoc enim prædicatio duxerat, ut aqua indigeret, quæ de baptismo in via audierat.*

VERS. 37. — *Si credis. (RAB.) Non ignorabat ejus fidem, sed volebat manifestam confessionem, ut baptizaturis et baptizandis daretur exemplum interrogandi et confundi.*

VERS. 39. — *Spiritus Domini. (RAB.) Vel Spiritus irruit in eum fortiter, sicut et in apostolos, etc., usque ad in quos Spiritus descendederat?*

VERS. 40. — *Inventus est. Ab hominibus qui in raptu non inveniebatur, quia ambulavit in solitudine, vel nimia velocitate.*

Cæsaream. (BEDA.) Cæsaream Palestinae dicit ubi infra domum habuisse describitur, quæ usque hodie demonstratur, necnon et cubiculum filiarum quatuor ejus prophetantium virginum.

CAPUT IX.

VERS. 1. — *Saulus autem. Redit ad hoc quod supra dixerat : Saulus adhuc devastabat Ecclesiam. Minarum, etc. Minis terrens caede afficiebat præsentes : dubitatur utrum occideret seu flagellaret, vel utrumque faceret. Spirans. Spirat in modum ignis, non ab alio incitatus ipse alios accendebat.*

VERS. 4. — *Et eadens. Territus ad terram refugit, vel quasi adorans in faciem cadit.*

Quid me, etc. (BEDA.) Non ait : Cur persequeris etc., usque ad, Quandiu uni ex minimis istis fecistis, mihi fecistis (Matth. XXV).

VERS. 5. — *Ego sum Jesus. Non Deum vel Dei Filium se vocat, sed humilitatis meæ, inquit, infirma suscipe, et superbæ tuæ squamas depone.*

VERS. 7. — *Surge. Impiger operare ut bos, et esto doctor Ecclesiæ. In lege scriptum est : Non alligabis os bovi tritauranti (1 Cor. ix).*

Ingredere. (RAB.) Ingressurus civitatem terretur, ne sanctis tristitiam inferat; dehinc Dominus jubetur ingredi, ut fidem discat quam impugnaverat.

Et dicetur. Exemplum discendi datur, et superbæ increpatur, ut nullus alium indignum existimet a quo doceatur quod ignorat.

VERS. 8. — *Apertis oculis. (RAB.) Ostenditur ei in corpore quod prius patiebatur in anima. Sicut enim apertus oculus sine visu, sic lex inutilis sine fide Christi.*

(BEDA.) Oculis non posset rursus bene videre, nisi prius excæcatus, et propriam sapientiam, quæ turbatur, excludens, fidei se committeret.

VERS. 9. — *Et erat. (RAB.) Hic datur forma penitentibus, ut ex triduo incipient, hoc etiam triduo catechumenorum gradus dedicatur.*

Tribus diebus. Apparet quod per triduum cæcatus lucem gratiæ exspectabat, non torpens otio, sed illustratus a Deo coelestia rimabatur. Credibile est quod etiam eo tempore dispensationem Evangelij edocutus sit.

Non videns. Quia non credebat Deum tertia die resurgendo mortem vicisse, suo exemplo instruitur, qui tenebras tridui luce reversa mutavit.

Non manducavit. (RAB.) Hoc animæ suæ accidet, quæ cibum interiorem non habuerat et potum. D Ex inedia autem corporis et siti ostenditur animam indigentem satiari oportere.

VERS. 10. — *Anania. (Id.) Indicium familiaritatis aliquem vocari suo nomine.*

VERS. 11. — *In ricum. (Id.) Vici dicuntur agri, aut civitatibus, aut sibi intrinsecus in civitate proximi.*

VERS. 13. — *Vade, etc. Non est timendus quasi persecutor, sed amplexaudus ut frater : quia mala quæ sanctis intulit, paratus est sustinere.*

VERS. 17. — *Introivit. Impleta est prophætia Isaiae dicentis : Habitabit lupus cum agno, id est, Saulus cum Ananiam.*

VERS. 18. — *Ceciderunt, etc. (BEDA.) Serpentis cor-*

pus squamis legitur, etc., usque ad quod lumen recessit in mente.

(RAB.) Quod cadunt squamæ, similitudo est interioris visionis renovatæ de legis velamine.

VERS. 20. — *Et continuo. Implet sermonem Domini dicentis : Qui vult venire post me , abneget semetipsum* (*Luc. ix.*), etc.

VERS. 21. — *Nonne.* (RAB.) Exemplum dat non erubescendi, ubi potest veritas mutare sententias suas.

VERS. 24. — *Custodiebant.* Non Judæi, sed cives cum rege suo Aretha, ut ipse scribit ad Galatas. Ju-deis enim concordabant Gentiles in persecutione Christianorum.

VERS. 26. — *Cum autem venisset.* Non quam cito baptizatus est : venit in Jerusalem ad apostolos, sed (sicut Galatis scribit) primo abiit in Arabiam, et inde reversus est Damascum; deinde post annos tres venit Jerusalem videre Petrum, etc. Deinde, ut Lucas testatur, venit in partes Syriæ et Ciliciæ.

VERS. 27. — *Barnabas.* (BEDA.) Hic fuit Cyprus genere, Levites, qui premium agri ad pedes apostolorum supra memoratur attulisse.

VERS. 29. — *Cum Græcis.* Græci Judæi dicuntur, quod inter Græcos dispersione sunt nati.

VERS. 30. — *Cæsaream.* Cæsarea Philippi civitas est Syriæ. Tharsus civitas est Cilicie.

VERS. 31. — *Ecclesia.* Talia, ut supra dictum est, in fine narrationum, et principio interseruntur sœpe, ad laudem apostolorum et ecclesiasticæ fidei. *Et consolatione.* Consolatio in labore datur, unde patet quod Ecclesia tentabitur.

VERS. 33. — *Nomine Æneam.* (RAB.) Æneas signat genus humanum languens, etc., usque ad qui insinuat voluptate carnis, et delectatione sæculi.

VERS. 34. — *Surge.* Quem de paralysi curaverat, surgere et sternere sibi præcepit, insinuans ut qui fidem in corde perceperat, non solum torporem dissipat, sed etiam opera paret in quibus quiescat.

VERS. 35. — *Lyddæ et Saronæ.* Duæ civitates fuerunt conversæ ad Deum, ideo enim siebant virtutes in eis.

VERS. 36. — *Nomine Tabitha.* (RAB.) Tabitha de Hebreo in Latinum *Dorcas* transfertur, vel *Damula*, ut in quisbusdam exemplaribus invenitur.

Dorcas. Allegorice : Dorcas est damula vel caprea : significat autem animam studio virtutis sublimem, sed hominum opinione contemptibilem. Interpretationem autem nominis Lucas ponens, mysterium inesse significat. Hæc animalia morantia in montibus, acute vident : unde ab acumine visus dorcas de Græce vocantur. Sic meritis operum excelsi superius intendunt, et sibi circumspecte invigilant, simpliciter vivunt discetè gradu operis, quasi fissa unguia incedunt, verbum Dei assidua meditatione ruminant.

VERS. 39. — *In cœnaculo.* (RAB.) In loco superiori ponitur, vel propter altitudinem meriti, vel propter sublimitatem miraculi, quod faciendum erat de ea.

VERS. 40. — *Ejectis.* (Ib.) Juxta exemplum Christi

A filiam archisynagogi principis resuscitantis hoc factum est, ad vitandam elationem, vel ne indigni signum viderent. *Aperuit.* (BEDA.) Rectus est ordo resurgentium, ut prius oculos mentis aperiat, postea agnita voce Petri reseedat, lumen suæ circumspetionis amissum recipiat, ut ad doctrinam eorum qui adjuvant, vivat. *Aperuit oculos.* Isti sunt tres gradus resuscitationis.

VERS. 41. — *Dans autem.* Contacta manu Petri Tabitha resurgit, quia anima languens in peccatis, nullo melius ordine quam sanctorum exemplis convalescit.

CAPUT X.

VERS. 1. — *Vir autem, etc.* (RAB.) Merito perfectionis et opere virili hic centurio dicitur vir, secundum illud : *Vir erat in terra Hus, nomine Job.*

Cornelius. (BEDA.) Non virtutibus ad fidem, sed fide pertingebat ad virtutes. (GREG.) Cornelius, cuius eleemosyne ante baptismum angelo testante, etc., usque ad in fide vero solidatur per opera.

VERS. 2. — *Religiosus, etc.* (RAB.) Haec omnia bono naturæ, etc., usque ad sine virili semine, id est, doctrina magistri concepisse credatur.

VERS. 3. — *Is videt.* (RAB.) Non in nocte, non in somnis, quia Gentiles grosso sensu, etc., usque ad sicut prius in Petri et Joannis exemplo ostensum fuit.

Angelum Dei. (Ib.) Non Satanæ. In hoc excusantur apostoli gentibus prædantes et eas baptizantes : quomodo enim zelaretur ab homine quod manifestabatur ab angelo? *Introeuntem, ad se forsitan, vocantem eum, et datur excusandi occasio Petro Iudeis contra eum disceptantibus et dicentibus : Cur introisti ad viros præputium habentes* (Act. xi), etc. *Corneli.* Familiaritas ostenditur, qua nomen gentilis hominis notitiae angelorum est insertum.

VERS. 5. — *Et nunc mitte viros, etc.* (RAB.) Hic incipit retributio, ut qui misericors est misereatur tui Deus, quia : *Beati misericordes, quoniam misericordiam, etc.* (Matth. v).

Jopen. (Ib.) Civitas est terræ promissionis mari Tyrrheno proxima, et in ipsius orientali littore sita, in quam Jonas descendens intravit navem, ut ficeret.

VERS. 6. — *Hospitatur, etc.* Hospitatur Petrus in domo Simonis, id est, obedientis, qui est coriarius, quia doctor Ecclesie ibi libenter habitat, ubi sunt obedientes, qui castigant corpus et servituli subjiciunt, transgressi fluctus sæculi libertate mentis. Constantia enim fidei fluxam gloriæ mundi et terræ contemnunt.

VERS. 7. — *Et cum discessisset.* (RAB.) Non ait, cum evigilasset Cornelius, quia ei nec per somnum, nec in extasi, sed manifeste angelus visus est.

Militem. (Ib.) Non dicit domesticos metuentes Dominum, quia in principio dixerat eum religiosum fuisse, timentem Dominum cum omni domo sua.

VERS. 9. — *Appropinquantibus, etc.* Alia littera : *Apparentibus illis, scilicet qui a Cornelio missi sunt,*

id est, ita propinquantibus, ut videri possent a domo Simonis coriarii.

(RAB.) *Pro, in superiora, alia littera habet, in cœnaculum*, et bene : quia gentilis populus est quasi superior domus : Synagoga vero est *infra*, quia mundo immersa.

Dicens *in superiora*, significavit Ecclesiam, relictâ cupiditate terrenorum, conversationem in cœlis habituram. Sexta hora Petrus inter preces esurit, salutem utique mundi, quem Jesus sexta ætate sœculi quæreret et salvare venit : quod indicavit cum eadem hora super puteum Samariae sedit.

VERS. 10. — *Gum esuriret.* (RAB.) Salutem gentium compatiendo esurit, quæ nunc in visione ostenditur, quæ ideo sexta hora est visa, quia sexta ætate sœculi est facta.

VERS. 11. — *Cœlum apertum.* (BEDA.) Apertio cœli revelatio est sacramentorum cœlestium proxime futura gentibus. Designat autem in hoc cœlos gentibus esse apertos, et introitum esse pandendum.

Vas quoddam. (IB.) Vas illud designat Ecclesiam, etc., usque ad per quos Ecclesia coeli dono imbuta sublimatur.

Linteum: Pro Ecclesia ; pro candore sanctitatis, et mortificatione carnis. *De cœlo in terram.* (RAB.) Inde monemur, ut ubi caput nostrum est et radix (enius rami sumus) illuc penetret anchora spei nostræ.

VERS. 12. — *Omnia quadrupedia.* Omnes gentes credituræ et in unitatem corporis Christi assumentæ, ut omnes efficiantur membra ejus.

VERS. 13. — *Occide.* Munda, mortifica, et macta, ut hostias Deo facias, ut eruti de vetustate in novitatem transeant.

VERS. 14. — *Manducavi;* etc. (BEDA.) Qui manducat cibum foris positum in suum trajicit corpus. Praecepit ergo gentes per incredulitatem, foris positas, societas Ecclesie (quam Petrus significat) inseri.

(IB.) Gentiles Petrus immundos putabat ; etc., usque ad sed in sola Dei dilectione constringat.

VERS. 21. — *Descendens.* (BEDA.) Descendere de teclo, et ad prædicandum ire jubetur, etc., usque ad, *Sanctorum vero conversatio est in cœlis* (*Philipp. iii.*).

Ecce ego, etc. Ostendit se scire adventum illorum, humilitatis etiam dans exemplum, dimitens circuitum verborum.

Quæ causa est; etc. Spiritus adesse milites dixit, et qua de causa venerant tacuit, quia ad conservandam humilitatem aliquando prophetæ spiritus ex parte animum tangit, et ex parte non tangit.

VERS. 22. — *Responsum accepit.* Eleemosynis et orationibus ejus per angelum respondit Dominus. *In domum.* Per hoc suadent quia angelus jussit intrare in domum ejus, quamvis gentilis esset.

VERS. 23. — *Introducens,* etc. Hic incipit communio apostolorum cum gentibus, qui descenderat ad eos, qui audierant ab angelo præceptum ut intrarent in domum gentilis, ideo gentiles hospitio recepit.

VERS. 24. — *Conrocatis cognatis,* etc. Duplex

A causa convocationis ; proximitas cognationis, et amicitia.

VERS. 27. — *Et loquens,* etc. (BEDA.) Communione æqualitatis meruit sanctitas actionis, sicut in Anania et Sapphire culpa zelus ultionis ejus aperuit potestatis.

VERS. 30, 31. — *Et ecce vir,* etc. Non dicit angelum, adeo aliehus erat a fastu, et inquit : *Corneli, exaudita est oratio tua, et eleemosynæ tuae in memoria habitorum sunt coram Deo.*

In conspectu Dei. (RAB.) *In Græco, In conspectu Dei adsumus.* Hoc recte dicitur ab eo qui Deo promptius erat obtemperate, credens eum ubique præsentem esse.

VERS. 34. — *Non est personarum acceptor,* etc. B (BEDA.) Patet Deum non esse personarum acceptorem, etc., usque ad sed omnes credentes acciperent.

VERS. 37. — *Vos scitis,* etc. (RAB.) Sic legendum : Scitis Jesum ut prædicavit Joannes : Jesum a Nazareth, quomodo unxit eum, etc. Vel : hoc prædicavit Joannes, quod unxit eum, non quidem terreno more, sed spiritu et virtute signorum.

VERS. 38. — *Qui pertransiit,* etc. In Græco additur, *per quadraginta dies*; non quod quotidie cum illo manducarent et hiberent, nam esset contrarium Joanni, qui octo dies interponit quibus eis visus non est, ut tertio manifestaretur, et totidem diebus jejunavit ante mortem, cibo indigens, quod manducavit post resurrectionem jam cibo non indigens. Jejunavit ante mortem, ut nos abstineremus a desideriis hojus sæculi. Manducavit, docens per hoc quod nobiscum est usque ad consummationem sæculi. Jejunium est in certamine, quia qui in agone est, ab omnibus se abstinet. Cibus est in spe pacis, quæ perfecta erit, cum mortale hoc induerit immortalitatem. Nos autem cum viam Domini carpimus, a vanitate sæculi jejunamus, et futura reprobmissione reficimur.

(RAB.) Per quadraginta dies, non assidue, sed quibusdam vicibus in illo quadragenario dierum numero factis.

VERS. 41. — *Ei bibimus.* (BEDA.) Hic exponit Petrus quod in Evangelio tacetur, post resurrectionem se bibisse cum Christo, nisi forte illic credamus indicatum, ubi ait : *Donec illud bibam vobiscum in regno Patris mei* (*Math. xxvi.*).

D VERS. 45. — *Spiritus.* Spiritus, donum Dei est, in quantum eis datur qui per eum diligunt Deum ; apud se autem Deus est, etiam nulli datur, Patri et Filio coæternus. Nec, quia illi dant, et ipse datur, minor est illis. Ita enim datur sicut donum Dei, ut seipsum det sicut Deus : *Spiritus enim ubi vult spirat* (*Joan. iii.*)

VERS. 47. — *Nunquid aquam,* etc. Quasi Deus quod majus est; prius dedit, et ordinem præposteriorum, nunquid quod minus est, potest prohibere *Vos venistis ad hoc ut testes sitis, ergo judicate.*

VERS. 48. — *In nomine Christi.* Cum sit regula Ecclesie, baptismum tradi in nomine Trinitatis. Lucas tamen testatur in nomine Jesu Christi illum dari. Quod Ambrosius solvens, dicit per unitatem nominis

mysterium plenum fieri, quia qui Christum dicit, et Patrem a quo Filius, et Spiritum sanctum etiam designat : qui etiam Patrem dicit, et Filium et Spiritum pariter ostendit : et qui Spiritum nominat, Patrem a quo procedit Spiritus, et Filium, cuius etiam Spiritus est, nuncupat. Unde, ut rationi copuletur auctoritas, etiam in Spiritu baptizatur, secundum illud : *Vos autem baptizabimini in Spiritu sancto* (*Act. xi*), et Apostolus : *In uno Spiritu baptizati sumus* (*I Cor. xi*).

CAPUT XI.

Vers. 6. — *Quadrupedia terrae*, etc. (RAB.) Miro quosdam hoc interpretari super escis, etc., usque ad mysterium hujus visionis exposuit.

Vers. 18. — *Ergo et gentibus*, etc. Hoc est quod in Job legitur : Ab Aquilone aurum veniet, et ad Deum formidolosa laudatio, quia prius frigido gentium in pectore splendor fidei exortus est, et pro eadem inopinata fide, Iudea Deum tremendo glorificat.

Vers. 19. — *Et illi quidem*, etc. Revertitur ad id quod dixerat : igitur qui *dispersi erant, pertransibant evangelizantes verbum*. Interserta est autem narratio de Philippo, Petro, Joanne, Paulo.

Vers. 20. — *Erant autem quidam*. (RAB.) Non de illis qui fuerant dispersi ab Jerusalem, sed, etc., usque ad inter Graecos conversati sunt in dispersione.

Vers. 21. — *Multusque numerus*. (BEDA.) Jam post revelationem evangelicæ syndonis (in qua sancta animalia superna spe quiescerent) cœpit Ecclesia crescere, cum per exterias provincias, insulas et civitates non solum Iudeis, sed etiam gentibus Evangelium prædicatur.

Vers. 22. — *Et miserunt Barnabam*. (RAB.) Barnabas virilis in bonitate. Barnabas sæpe in hoc libro laudatur, ne ob indignitatem meriti apostolatu causisse credatur, qui postea ab apostolis gentium apostolus est ordinatus.

Vers. 23. — *Et hortabatur*, etc. Nihil mutavit vel addidit, sed perseverantiam docuit, quia vera et plena fides erat in eis.

Vers. 25. — *Tarsum*. Dictum est enim superius quod fratres deduxerunt eum nocte Cæsariam et dimiserunt Tarsum. *Ut quereret Saulum*. Ecce bonitas Barnabæ, qui non solus presumit docere plebem, sed apostolatus querit consortem.

Vers. 26, 27. — *Discipuli, Christiani. In his*, etc. Videntur discipuli in hoc non servasse mandatum Dei dicentes : *Nolite solliciti esse de crastino* (*Matth. vi*). Sed constat non hoc eum improbare, si quis humano more ista procuret, sed non pro eis Deo militet, ut in opere suo non regnum Dei, sed temporalia intueatur. Ad hanc ergo regulam hoc præceptum redigitur, ut in horum provisione regnum Dei attenuamus : sed in militia Dei ista non cogitemus.

Prophetæ. (RAB.) De quibus dictum est : *Et prophetabunt filii vestri* (*Joel. ii*). Laus est Antiochizæ quo multi perfecti conveniebant.

CAPUT XII.

Vers. 4. — *Quatuor quaternionibus*. Quaternio

A dicitur princeps quatuor militum. Sicut enim centuriatio centum, ita quaternio quatuor sub se milites habet.

Volens, etc. (RAB.) Amplior enim gratia esset, si ipsi eum occiderent Iudei, quia princeps erat, non ipse Herodes, sicut et Jacobus.

Vers. 6. — *Milites, vincutus*, etc. (RAB.) Quatuor difficultates cumulant custodiam : milites, catene carcer, custodes.

Vers. 7. — *Lumen*. Signum præsentiae angeli Dei cuius præsentia soli Petro lumen præbebat, nec aliis resulgebatur.

Percussoque. (RAB.) Tactum corporalem, corpore ex aere sumpto, potuit habere angelus.

Vers. 11. — *Ad se reversus*. A culmine contemplationis ad hoc reversus est, quod in intellectu communis prius fuit.

Vers. 13. — *Processit puella*, etc. Et Dominum de tumulo egressum prima omnium mulier discipulis nuntiavit, ut ubi abundavit delictum, superabundaret et gratia:

Vers. 15. — *Angelus ejus est*. (HIER.) Magna dignitas animarum : ut unaquæque ab ortu nativitatis habeat angelum in custodiâ sui delegatum.

(Id.) Quod autem unusquisque nostrum habeat angelos, etc., usque ad isti sunt qui ascendunt et descendunt super Filium hominis.

Vers. 17. — *Tacerent*, etc. Donec narraret virtutem : vel tacere jubet, ne clamore gaudientium adventus ejus in civitate cognoscatur.

C VERS. 23. — *Confestim*, etc. Dum impietatem illi citate adulacionis non exhorret, respiciens paulo post imminentem et insistentem capiti suo vidi angelum, euince sensit continuo exitii sui ministrum, quem prius noverat provisorem bonorum. Inde continua septe diebus ventris dolore *eruciatus*, viam violenter abruptus.

CAPUT XIII.

Vers. 1. — *Erant autem in Ecclesia*, etc. Idem erant prophetæ et doctores. Vel, alii eorum prophetæ, alii doctores fuerunt.

Niger. (RAB.) A colore, si Latinum est. Vel, *ascendens* interpretatur, si Hebræum.

Vers. 4. — *Missi a Spiritu sancto*. (RAB.) Ab hominibus dimissi, mox a Spiritu sancto mittuntur ad Seleuciam. Dux itineri eorum fuit, qui eos separavit a ceteris.

D Abierunt Seleuciam. (Id.) In quibusdam exemplaribus invenitur : *Abierunt Seleuciam, que est Salamina* ; duo autem sunt nomina unius civitatis.

Vers. 7. — *Sergio Paulo*. Duo unius nomina sunt, Sergius et Paulus.

Vers. 8. — *Elymas*. (RAB.) Elymas, secundum quosdam interpretatur, *Dei mei mensura*, vel *Magus*, et ideo resistebat.

Avertere. (Id.) Eum qui incepérat converti, a fide ad transgressionem volebat convertere juxta nomen suum.

Vers. 9. — *Saulus*. (Id.) Saulus interpretatur *Tentatio resipientis*, vel *securitas*, vel *mirabilis*.

Qui et Paulus. (BEDA.) A Sergio Paulo proconsule (quem fidei subegit) sortitus est nomen Pauli.

Apte gentium apostolus de gentili nomen sortitur.

(RAB.) A Sergio Paulo dictus est apostolus, Paulus, e c., usque ad, *Ego sum minimus apos:olorum* (*I Cor. xv*).

VERS. 11. — *Ei nunc*, etc. *Eris cæcus*, etc. Oportuit Paulum miracula agere ad consummationem apostolatus, quem diu contra stimulus calcitrantem Dominus elegerat.

VERS. 14. — *Antiochiam Pisidiæ.* (RAB.) Ad differentiam alterius Antiochiæ, ut creditur; sed a multis eadem esse putatur.

Sederunt. (Id.) Quasi audituri legem, non prædictari. Ecce exemplum humilitatis.

VERS. 19. — *Terra Chanaan*, etc. (RAB.) Id est promissionis, quæ ideo (ut plerisque videtur) Israeli est data, etc., usque ad et ideo maledici meruit.

VERS. 20. — *Dedit*, etc. Tempus judicium transit ad probandam patientiam Dei.

VERS. 26. — *Vobis.* (RAB.) Judæis. *Non veni nisi ad oves quæ perierant domus Israel* (*Matt. xv*). Vel *vobis*, qui estis dispersi, quia (ut sequitur) habitatores Jerusalem repulerunt illud.

VERS. 27. — *Judicantes.* (Id.) Jesum esse reum mortis. Vel, judicantes voces prophetarum, id est non credentes: qui enim detrahit fratri, detrahit legi, et judicat legem, quanto magis Christo detrahentes?

Sancta David fidelia. (BEDA.) Isaías Novi Testamenti mysteria prægustans, ait: *Constituam vobis testamentum æternum sancta David fidelia.* In Hebreo: *Et feriam robiscum pactum sempiternum misericordias David fideles.*

VERS. 35. — *Non dabis*, etc. (Id.) Post resurrectionem non moritur, mors illi ultra non dominabitur, et ideo dicit sancta fidelia, id est incorrupta et æternaliter permansura.

VERS. 41. — *Videte contemptores.* In Græco: *Audite contemptores, et respicite et disperdimini.*

Admiramini. (RAB.) Sic junge: *Admiramini et dispergimini ab Assyriis et Chaldaeis, novissime a Romanis, quia opus operor utriusque vindictæ. Non credetis*, etc. Vel propter utriusque vindictæ magnitudinem, non credere dicuntur donec compleatæ fuerint.

VERS. 43. — *Et colentium.* (Id.) Bene legitur *colentium Deum*, sicut in Græco habetur. Significat autem eos qui natura gentiles erant, sed religione Judæi, Græce vocati proselyti.

VERS. 46. — *Primum.* (Id.) Primo filiam principis curare venit Jesus, sed mulier-fluxum sanguinis patiens præripuit sanitatem. *Æternæ vitæ.* Non quia scirent vitam æternam esse quam respuebant, sed ex suo sensu et fide sua locuti sunt apostoli.

VERS. 47. — *Sic enim, etc.* (Id.) Prophetia est præceptum immobile nobis: *primum dicitur*, deinde infertur Prophetæ testimonium ad personam Patris loquentis ad Filium.

Posui te. Non ait, *Posui vos*; quia quod Christo

A dicitur, hoc ad apóstolos, qui membra ejus sunt, pertinet. *Posui te in lumen gentibus.* (BEDA.) Hoc dictum est specialiter Christo, et tamen idem sibi dictum esse arbitrantur apostoli, quia membra ipsius sunt: sicut propter ejusdem corporis unionem dictum est, *Saule, Saule, quid me persequeris?* etc.

VERS. 48. — *Præordinati.* Ordo hic est, ut post labores præsentes et mortificationem carnis, vita sequeatur.

VERS. 50. — *Religiosas mulieres.* (RAB.) Sive de Judæis qui legis religionem servabant, sive de gentibus religionem salvare incipientes.

VERS. 51. — *Excesso pulvere*, etc. Secundum præceptum Evangelii, excutitur pulvis in testimonium quod inanem fecerunt laborem.

(RAB.) Merito excutitur pulvis, quia in iudicio sic a Christo ejicientur, sicut pulvis quem projicit ventus a facie terræ (*Psal. i*). Si vero apostolos reciperent, pedes suos, id est sensus, a pulvere, id est vitiis, solverent.

CAPUT XIV.

VERS. 6. — *Confugerunt.* (RAB.) Fuga apostolorum non plus fuit ex timore, quam amore verbi Dei. *Et universam*, etc. Quod in Græco sequitur: *Deus autem pacem fecit*, quidam Latini codices minus habent.

VERS. 10. — *Legeraverunt.* (RAB.) In hoc notator petulantia. Vel, altior erat sententia quam sua lingua barbara et unius Dei ignara.

VERS. 12. — *Coronas.* (Id.) Ut faciem templi juxta ritum gentium ornaret, vel eis (quasi diis immortatus) imponeret. Mos erat gentilium: ut deorum suorum honori sacrificantes sumerent coronas, victimis simul coronatis.

VERS. 16. — *Implens cibo*, etc. (Id.) De carnalibus loquitur, quia lætitia est de cibis et vino quod laetificat cor hominis.

VERS. 18. — *Traxerunt.* (Id.) Ad lapidandum sicut cadaver, de hoc ipse ad Corinthios: *Semel lapidatus sum* (*II Cor. xi*), etc.

VERS. 21. — *Ut permanerent in fide.* (Id.) Contra multas tribulationes: quia multitudo tribulationum fidei poscit perseverantiam. *Quoniam per multas tribulationes.* Labor præmittitur, dehinc regni introitus prædicatur, quia spes præmii solatium est laboris.

CAPUT XV.

VERS. 2. — *Sedatione.* A Paulo et Barnaba, contra illos, qui hæc dicebant.

Statuerunt. (RAB.) Scilicet hi qui descendebant de Judæa, etc., usque ad fidem venisse probatur.

VERS. 6. — *Conveneruntque apostoli.* (Id.) Hic datur exemplum faciendi conventus, ad discernenda ea quæ fidei sunt necessaria.

VERS. 7. — *Per os meum.* (Id.) Non alterius ex apostolis, quasi dicat: Qui primus prædicavi gentibus, primus ab eis jugum legis exutiam. Nam enucleo nullus apostolorum prædicavit: sed Philipus diaconus, et gratuito impletus est dono.

VERS. 5. — *Fide purificans.* (CHRYST.) A sola fide, A inquit, illa assecuti sunt, et non operibus vel circumcisione. Etenim hæc non dicunt solum progenitibus rationem reddentes, sed etiam illos a lege abducere cupientes : verum jam hoc nondum dicitur.

VERS. 12. — *Tacuit autem omnis multitudo.* Notandus ordo loquendi vel loquentium, quia singulis loquentibus tacent, primum Petro.

VERS. 13. — *Et postquam,* etc. (CHRYST.) Hic erat episcopus Ecclesiæ Hierosolymitanæ, etc., usque ad ubi scilicet et finem imponit operibus.

VERS. 16. — *Revertar et reædificabo,* etc. Reverter ad gentes, quas prius dixerat ingredi vias suas, cui sensui firmando Jacobus testimonium intulit. Hoc aperte testimonium concordat verbis Simonis.

(RAB.) Umbra legis, quæ traditionibus Pharisæorum corrupta, Domino revelante, id est Domino in carne apparente, per gratiam est erecta, ut non tantum Judei, sed etiam gentes nomen ejus requirant.

VERS. 17. — *Super quas invocatum.* (Id.) Secundum illud : *Invocabunt sacerdotes nomen meum super filios Israel* (Num. vi); et alibi : *Moyses et Aaron sacerdotibus ejus* (Psal. xcvi), etc.

Invocatum est. Pro futuro, more propheticō.

VERS. 19. — *Ego judico.* (RAB.) Recte judicandum erat, quod trium testimonio firmatur, duorum apostolorum et prophetarum.

VERS. 20. — *Et suffocatis.* Suffocatum est morticinum, de quo Ezechiel dicit : *Omne morticinum et captum a bestia de avibus et pecoribus, sacerdotes non comedant* (Ezech. iv). Hoc præceptum convenit servare iHis, qui uncti sunt oleo spirituali, ne comedant illud, cuius sanguis non est effusus, quod epistola apostolorum servandum decrevit.

Et sanguine. (RAB.) Effusione humani sanguinis, etc., usque ad sed ut casti sint et abstineant.

VERS. 22. — *Tunc placuit.* (Id.) Dicente Petro narrantibus Barnaba et Paulo, judicante Jacobo Jerosolymorum episcopo, merito placuit sententia. *Placuit mittere Antiochiam.* Missi a Christo legati suos possunt mittere legatos.

VERS. 23. — *Apostoli et seniores.* Apostolorum communis titulus præponitur, ne aliqua dissensionis relinquatur occasio.

Fratribus ex gentibus. (RAB.) Primum styli beneficium est, quod apostoli gentiles vocant fratres, id est unius Dei filios. *Salutem.* Eclipse, quia latitudine charitatis omne verbum angustius est. et ideo nullum verbum ponitur, ut omnia simul bona eis velle intelligantur.

VERS. 24. — *Everentes animas.* In Græco : *Everentes animas vestras, dicentes : Circumcidi oportet, et observare legem quibus non mandavimus.*

VERS. 28. — *Visum est.* Id est placuit. *Spiritu sancto.* Qui arbiter suæ potestatis, ubi vult spirat, et quæ vult loquitur.

PATRÖL. CXIV.

Spiritu sancto. (RAB.) Et nobis humano quidem sensu, sed sano.

Et nobis. Non tamen solum voluntate nostra, sed instinctu ejusdem Spiritus.

Quam hæc necessaria. (RAB.) Hæc necessaria sunt sine quibus non est salus, sed circumcisio necessaria non est : verum ea quæ vobis fieri non vultis, alii ne faciat.

VERS. 29. — *Ut abstineatis vos,* etc. (TERT.) Propterea igitur quoniam utraque species, etc., usque ad quorum munditia magis ad Deum pertinet, quam intestinorum.

VERS. 34. — *Visum est autem* (RAB.) Materia est futuri sermonis : *Solus autem Judas abiit Jerusalem.*

VERS. 39. — *Dissensio.* Non in hoc delinquebant, quia non omnis commotio est peccatum, sed irrationabilis, et quæ justæ non sit. *Assumpto Marco.* Hic erat affinitatis vinculo conjunctus Barnabæ, unde et leguntur fuisse consobrini. Barnabas a Paulo dimisus, patriam insulam repetiit, et nihilominus opus Evangelii sibi injunctum exerent.

VERS. 40. — *Electo Sila.* (RAB.) Ad hoc remanere eum fecit Dominus. juxta illud : *Visum est autem Silæ ibi remanere, ut Paulo cooperaretur sicut Marcus Barnabæ.* Fuit enim in hoc divinum consilium.

CAPUT XVI.

VERS. 1. — *Viduae filius.* (RAB.) Vel Judææ. Eam vero fuisse genere Judæam, apparet ex hoc quod ait patre gentili fuisse oriundum.

C **VERS. 3.** — *Et circumcidit.* (Id.) Timotheum circumcidit pro scandalo Judæorum, ne legem Moysi videretur damnare, sed eam quasi non necessariam gentibus non imponere. Titum non circumcidit, ne occasionem circumcidendi acciperent gentes ab eo. Et quod est quod dicit : *Sed propter subintroductos fratres falsos,* etc.

VERS. 4. — *Custodire dogmata, quæ erant.* (Id.) Non prædicabant quod ipsi fecerant, sed id quod propter voluntatem Dei apostoli decreverant. Et est exemplum recte docendi etiam quod non feceris. In figura hujus facti seminalibus induebantur sacerdotes, velut seminatur opus non autem tanquam facili.

VERS. 5. — *Et ecclesiæ quidem,* etc. (Id.) Hoc es superioribus capitulis sæpius expositum, cum diximus hujusmodi sententia superiore claudi narrationem, et initium fieri sequentis.

VERS. 7. — *Tentabant ire.* (Id.) Permittuntur apostoli velle, sed non ire, etc., usque ad Lucas in Bithynia, etc.

VERS. 9. — *Vir Macedo.* Angelus illius gentis assimilatus viro Macedoni, proprietate linguae, vel forma speciali, vel judicio verbi.

Adjuva nos. (RAB.) Hoc ex persona hominis dictum, non enim angelii humano auxilio indigent. Vel hoc dicit angelus propter illos quibus præsidet, ut baptizentur et salvi stant.

Adjuva nos. Ostendit Macedones vel angelos a

Deo inspirari, vel aliquos doctores cœpisse doceri.
Vers. 11. — *Samothraciam*. Thracia, Neapolis et Philippi, civitates sunt.

Vers. 12. — *Aliquot, conferentes*. In quibusdam libris invenitur: Conferentes verbum Domini die sabbati.

Vers. 14. — *Purpuraria*. Regina induita regali purpura vel purpuræ textrix, vel purpuram vendens, significat Ecclesiam quæ purpuram vendit, dum sanguinem pro Christo fundit, ut vita mercari possit. Purpura recte sanguinem colore et natura designat, quia de sanguine conchyliorum est concocta. Lydda apostolum, cum sociis suis domum intrare coegit: quia repulsam prædicationem a Judæis Ecclesia devoto corde suscepit.

Vers. 15. — *Coegit nos*. (RAB.) Hic datur exemplum vel duo exempla dantur: unum hospites cogendi, alterum ad nuper conversos intrandi.

Vers. 17. — *Subsecuta Paulum*. (Id.) Quamvis obviasset, non in facie, sed post eos clamat femina, servans pudicitiam.

Vers. 23. — *Miserunt eos in carcerem*. (Id.) Per hoc major virtus est liberantis. Ad idem spectat et quod sequitur: *Misit in interiorē carcerem, et pedes eorum strinxit ligno*.

Vers. 25. — *Media autem nocte*, etc. Orandum est media nocte et in perieulis servanda diligentia orationis.

Vers. 26. — *Terræ motus factus est magnus*, etc. Devotio orantium et virtus orationis exprimitur, quia illis in carcere hymnos canentibus, laus eorum terram movet: carceris fundamenta concutit, ostia aperit, catenas vincitorum solvit.

Vers. 29. — *Procidit*, etc. (RAB.) Propter potentiam et scientiam: potentia, quia terræmotu ostia sunt aperta: scientia, quia cognovit Paulus cur se vellet interficere: ideo præ omnibus Paulo et Sile procidit ad pedes.

Vers. 33. — *Lavit plagas eorum*. (BED.) Pulchra rerum varietas. Quibus plagas vulneris lavit, per eos plagas criminis amisit. *Continuo*. (RAB.) Velocitas obedientiæ signatur. Nescit tarda molimina Spiritus sancti gratia.

Vers. 34. — *Cumque perduxisset, apposuit eis mensam*, etc. (Id.) Optimum utrinque exemplum: ingressus domus, et mensæ appositio.

CAPUT XVII.

Vers. 4. — *Et de colentibus gentilibusque*. Id est, et de his qui gentilem ritum Judaismo mutaverunt, et de his qui gentiles permanerant multi ad Christum confluebant.

(RAB.) Prima causa malitia est quod ii sint de vulgo; secunda quod et mali erant præ vulgo.

Vers. 6. — *Trahebant Jasonem*. (BED.) In Graeco: *Jasonem et quosdam alios fratres*. Unde intelligentiam est Jasonem fratrem et fidelem fuisse.

Vers. 7. — *Regem alium*. (RAB.) Præter Cæsarem. Hoc contra decretum Cæsaris erat, unde in Evan-

A gelio: *Omnis qui se regem facit, contradicit Cæsari* (Joan. xviii). Apostoli vero contradicebant Christum regem esse Judæorum, id est consitentium, unde et Judæi ipsum Christum accusabant.

Vers. 13. — *A Paulo*. Qui erat dux verbi: et ideo postea solus dimissus est, ut iret de Macedonia ad mare.

Vers. 15. — *Profecti*. (RAB.) Ab Athenis fratres illi qui duxerunt Paulum, profecti sunt. Quidam de Sila dictum putant et Timotheo, quod de Macedonia ad Paulum profecti sint.

Vers. 18. — *Epicurei*. (Id.) Vocantur sic ab auctore suo, qui dicitur voluptatis assertor. Stoici Graece, Latine elementa; qui contendebant paria esse peccata, id est omne peccatum uniforme esse.

B *Quid rult seminiverbius*. Seminiverbius est qui verbum seminat; vel seminiverbius, id est sermologus; quia semen est verbum Dei; unde: *Si vobis seminavimus, etc.*

(AUG.) Legimus Paulum apostolum dictum fuisse *seminatorem verborum*, quod dictum est ab irridentibus, sed non respuendum a credentibus; erat quippe seminator verborum, sed messor morum. Et nos, licet parvuli, nec illi comparandi in agro Dei (quod est cor vestrum) seminamus verbum Dei, expectantes uberem frugem, vel fructum de moribus vestris.

Alii vero. (RAB.) A Judæis audierunt vocabulum *dæmoniorum* esse abominabile, et ideo huic abominationi comparant doctrinam Pauli; *vel* Judæi sunt qui hoc dicunt, id est *sadducæi*.

Vers. 19. — *Ad Areopagum*. (RAB.) Nomen est euriæ apud Athenas, dictum ab idolo Martis, quod apud eos Arios vocatur.

Vers. 22, 23. — *Viri Athenienses*, etc. *Quod ignorantes colitis, hoc annuntio*. Respondet ad hoc quod dixerant vel præmiserant: *Nova quadam infers*, quasi dicat: *Nova quæ infero inter vetera vestra habetis*. Hoc autem dicit ad persuadendum, ne quasi nova refutent sua verba.

Ignoto Deo. (RAB.) Id est, vero Deo, quem nemo novit ut est, etc., usque ad quod tacetur, vel simplièiter scriptum erat: *Ignoto Deo*.

D **Vers. 24.** — *Deus, qui fecit mundum*. Nota ordinem hujus disputationis, quia primo unum Deum auctorem mundi omnium docet esse, in quo vivimus, invenimur, et sumus, cuius et genus sumus: ut non solum pro luce et vita, sed etiam pro cognatione generis, diligendus ostendatur.

Vers. 26. — *Ex uno omne genus hominum*. In Graeco: *ex uno sanguine*, quia sanguis propaginem carnis designat, et per carnem homo intelligitur.

Vers. 28. — *In ipso enim vivimus*. (AUG.) Quia id operatur in nobis, quod vivimus, moveatur et sumus, etc., usque ad quia quid non ex ipso de quo dicitur: *Ex ipso, et per ipsum, et in ipso sunt omnia* (Rom. 11)?

Sicut et quidam vestrorum poetarum. His qui prophetas non recipiebant, non Moysi, non Iesaiæ, vel alicuius prophetarum, sed auctorum suorum loquitur

testimonium, versum Arati ponens, et de falsis eorum quibus contradicere non poterant. suam veritatem conservat et confirmat. *Ipsius enim, etc.* De Arato poeta hoc sumptum est testimonium, non de divina pagina, ne nova videatur inferre.

Vers. 29. — *Génus ergo, etc., non debemus.* (RAB.) Homo in medio est, habens Deum superiorem, aurum et argentum, cum ceteris hujusmodi inferiora, quae non debent ei comparari.

Vers. 30. — *Despiciens Deus.* (Id.) Id est, ignoscens ut veniam, et tunc despiciens, id est, indigna judicans sua notitia.

Vers. 31. — *Fidem præbens omnibus.* (Id.) Resurrectionis suæ exemplo : vel statut judicare, et post sic jungendum est, fidem præbens omnibus quod resurgent.

Vers. 34. — *Dionysius.* (BED.) Hic est Dionysius qui, postea episcopus Corinthiorum ordinatus, bene rexit Ecclesiam, ad cuius utilitatem etiam multa reliquit volumina, cognomen a loco cui praerat accipiens. Areopagus est Athenarum curia, nomen trahens a Marie, qui Graece Arios dicitur, pagus, villa.

CAPUT XVIII.

Vers. 2. — *Eo quod præcepisset Claudius discedere omnes.* (BED.) Hoc Josephus nono anno Claudii factum narrat. Suetonius dicit quod Claudius Iudeos Roma expulit.

Vers. 3. — *Scenofactoriae artis.* (Id.) Quasi exsules et peregrini tentoria sibi quibus in via utantur ædificant, etc., usque ad et a ventis insidiarum verbo et opere defendit.

Vers. 6. — *Sanguis vester.* (CERYS.) Hoc facit, ut non solo verbo terreat, et vehementius disserit, ut pote multis persuasis.

Vers. 7. — *Titi Justi, colentis Deum.* Titus Justus aut proprium nomen viro fuit, aut merito justitiae sic cognominatus est. Non fuit hic Titus discipulus Pauli cui ipse Epistolam scripsit, et Cretæ episcopum ordinavit; cum quo et Barnabas ascendens Jerosolymam, contulit Evangelium cum apostolis, inquirens in concilio eorum an recte prædicaret per baptisma fidei gentes sine circumcisione salvari, non quia ipse de hoc dubitaret, sed ut mentes dubitantium apostolorum auctoritate confirmaret.

Vers. 15. — *Si vero quæstiones sunt de verbo.* Nunc nimirum declarato et narrato, id est Evangelio : et nominibus (Jesus) et (Dei) vel (Dei Patris). In Graeco : Apprehendentes omnes Græci Sôthenem, etc.

Vers. 18. — *Qui sibi tolonderat.* (RAB.) Qui sibi tolonderint caput est incertum, fuere tamen Paulus vel Aquila; vel timore Iudeorum, vel aviditate convertendi eos ? Ambiguum tamen hoc dictum est, sed secundum Hieronymum, de Paulo est intelligendum.

Vers. 22. — *Cæsareum.* (Id.) Cæsarea metropolis est Cappadociæ. Nondum enim in Syriam Phœnicis venerat.

Vers. 27. — *Gentilis multum.* Alia translatio :

A *Prostul multum credentibus, per gratiam, hoc est quod Apostolus scribit : Ego plantavi, Apollo rigavi (1 Cor. iii), etc.*

CAPUT XIX.

Vers. 4. — *Joannes baptizavit.* (BED.) Non peccata Joannes suo baptismate remisit, sed pœnitentiam docuit. Nam sicut circumcisio in patriarchis signaculum fidei quam habebant fuit. ita et hoc lavaerum populus pœnitens quasi signaculum sue devotionis accepit : quod Christi baptismus, in quo fit remissio, figurabat.

B (RAB.) Non est baptismus, quod non datur in nomine Trinitatis. Baptizati a Juda non rebaptizantur, quia in fide Trinitatis ; sed baptizati a Joanne, quia Joannes in aqua tantum at Christus in Spiritu sancto baptizat. Cum ergo bonus vel malus minister baptizat, si plena est Trinitatis fides, Dominus baptizat ; in aqua vero sola a Joanne baptizati, a Paulo sunt baptizati.

(BED.) Quæstio est, utrum ille qui per ignorantiam forte a non baptizato, sed tamen rectæ fidei baptizatus est debeat rebaptizari? Quam hoc capitulo expositam reor. Quid enim differt, an tunc ante initium baptismi Christi, an nunc a quopiam sine susceptione ejusdem quisquam baptizaretur? cum quos Joannes in fide et nomine Christi venturi baptizavit, iterum baptizandos prædicavit, dicens : *Ego baptizo in aqua, ille baptizabit in Spiritu sancto.*

C **Vers. 7.** — *Erant autem omnes.* (RAB.) Judicia Dei abyssus multa. Ecce Asia apostolorum visitatione indigna, nunc apostolico numero sacra et prophetiae munere est sublimata. Et notandum quod Spiritus sanctus hic in duodecim discipulos, et supra in centum et viginti (qui numerus perficitur duodenario decies ducto) adventus sui signa monstravit illud in Jerusalem, hoc in Epheso, quæ est civitas Græcorum. In quo ostenditur illos tantum (sive de Judæis, sive de gentibus) spiritum replere, qui sunt in catholica unitate.

D **Vers. 9.** — *Quotidie disputans in schola.* (BED.) Ab hora quinta usque ad horam nonam et decimam : sicut traditur a quibusdam : quia horas operi quinque, alias quinque doctrinæ, duas dabat cibo et orationi, quod nulla tamen auctoritate firmatur. In schola tyranni. (RAB.) Tyranni nomen positum est pro dignitate, vel est proprium nowen, et interpretatur continens eos, vel confirmans.

Vers. 10. — *Per biennium.* Hoc tempore, Paulus in Iaphetio scripsit primam Epistolam ad Corinthios.

Vers. 12. — *Semicinctia* (RAB.) Vests ex uno latere pendentes, vel zonæ sive vestes nocturnæ, vel genus sudarii, quo Hebræi utuntur in capite.

Vers. 13. — *Exorcistis.* Excogitavit Salomon, et docuit suam gentem modos exorcismi, id est conjurationis quibus immundi spiritus expulsi non audebant ad homines reverti. Fit autem hoc per reprobos ad condemnationem ipsorum et utilitatem eorum qui vident et audiunt : quia licet illos despi-

ciant qui signa faciunt, tamen Deum honorant, ad A moria etiam magistri jam discessuri arctius menti infigatur.

VERS. 14. — *Septem filii*, etc. (BED.) Quoniam Satan transfigurat se in angelum lucis, etc., usque ad ostendit de quibus custodibus Ecclesiae præcipitur: *Capite nobis vulpeculas quæ devastant vineas* (*Cant. ii.*).

VERS. 19. — *Multi autem ex eis qui curiosa fuerant sectati.* (BED.) Magicæ artis industriam: cuius sectatores merito libros incidunt, licet pretio magno æstimatos, quia dæmones (quibus servierant) Jesum appellare et apostolos ejus vident honorare.

VERS. 21. — *His autem expletis*, etc. (CHRYS.) Sat diu conversatus in civitate, etc., usque ad ita ubique contextit opera.

Romam videre. (RAB.) Hanc prius non viderat forsitan, vel quia levem ducebat tribulationem quam ibi passurus erat; *videre tantum dicit*, non autem multa pati.

VERS. 22. — *In Macedoniam.* (RAB.) Transire volebat de Asia, in qua est Ephesus, in Europam, ubi Macedonia et Achaia sunt; et sic rursus ire in Asiam, id est Jerusalem cum eleemosyna, de qua scripsit Co. in thii.

VERS. 28. — *Magna Diana Ephesiorum.* (BED.) Quam Demetrius peritaram dixit Dianam, illi econtrario magnam esse mirantur.

VERS. 32. — *Alii autem aliud clamabant.* Illud aliud quod clamabant erat, vel ut raparentur in theatrum, vel quod alius esset Deus magnus, vel quod aliud idolum, vel etiam in Paulum opprobria C jaciebant.

VERS. 34. — *Vox facta est una omnium, quasi per horas duas clamantium: Magna Diana Ephesiorum.* Merito extrahunt Judæi scribam Alexandrum de turba illa quæ tota Dianam adorabat.

VERS. 37. — *Neque sacrilegos, neque blasphemantes deam vestram.* (RAB.) Sacrilegi dicuntur a profana diligentia. Sacrum enim mundum et profanum significat.

VERS. 40. — *Et cum hæc dixisset.* Hoc loquuntur quasi Judæus, nolens Judæos ab idolorum cultoribus occidi; aut quasi Christianus locutus est.

CAPUT XX.

VERS. 2. — *Ad Græciam.* Græcia provincia Achaiæ; ad hanc venit Paulus post Macedoniam: quia sic proposuerat, ut supra dictum est; transit autem a Macedonia et Achaia ire Jerusalem.

VERS. 4. — *Sosipater.* In Hebræo Sosipater interpretatur idem esse quod narrans dispersionem, vel salvans dispersos.

VERS. 7. — *Una autem sabbati.* Nomen diei diciunt, ut sit præratio virtutis faciendæ et dicendæ.

(BED.) Cœnaculum, altitudo charismatum. Nox, obscuritas Scripturarum, etc., usque ad subjunxit: *Hæc autem sunt duo Testamenta.*

VERS. 9. — *Eutichus*, etc. (ID.) Hebraice amens, Græce fortunatus interpretatur, etc. usque ad me-

A moria etiam magistri jam discessuri arctius menti infigatur.

VERS. 10. — *Cum descendisset Paulus, incubuit.* (ID.) Descendit et incubuit, complexus est, etc., usque ad et sole justitiae afflante, redivivus adducitur. *Anima enim ipsius in ipso est.* (RAB.) Id est non ex toto discessit, vel rediit. Hoc propter incredulos dixit, ut: *Non est mortua puella, sed dormit: sic enim desperatio tollitur.*

VERS. 16. — *Pentecosten.* Constat Paschæ tempus et Pentecostes temporibus apostolorum celebratum esse.

VERS. 31. — *Memoria retinente.* (RAB.) Quod ipsis dixerat, vult illud esse memoria retinendum, non enim parva est custodia, divini præcepti memoria.

VERS. 35. — *Beatus est.* (ID.) Hoc in Evangelio non legitur, non enim omnia scripta sunt, sed Paulus forsitan hoc ab apostolis audivit, vel a Spiritu sancto accepit, vel potest dici quod, si non verba, sensum istum Jesus indicavit, dicens: *Omnipotenti da;* et alibi: *Nolite accipere aurum,* etc. (BED.) Non illis qui relicts omnibus secuti sunt Dominum, divites eleemosynarios præponit, sed illos maxime glorificat, qui cunctis quæ possident in semet renuntiantes, nihilominus laborant operando manibus ut habeant unde tribuant necessitatem patienti. *Vos igitur episcopi, estote solliciti de alendis pupillis,* etc.

CAPUT XXI.

VERS. 1. — *Cum autem, etc. Coum, Phodam, inde Pataram.* (RAB.) Cous et Patara insulae sunt.

VERS. 8. — *Philippi evangelista.* Ob promptum predicationis officium evangelista meruit vocari.

VERS. 9. — *Huic autem erant filiæ.* (RAB.) Alibi filiae Philippi apostoli prophetissæ leguntur fuisse, sed veritati hujs loci non est contradicendum, nisi fortassee uteque filias prophetissas habuisse intelligatur.

VERS. 11. — *Hæc dicit. Spiritus sanctus.* (BED.) Prophetas veteres imitatur, qui dicere solebant: *Hæc dicit Dominus Deus*, quia Spiritus sanctus, æque ut Pater et Filius, Dominus et Deus est, nec eorum separari operatio potest quorum natura et voluntas una est.

VERS. 21. — *Dicens non debere.* (BED.) Quasi dicerent: In doctrina Christi damnas velut sacrilega, etc., usque ad sed Judæi non prohibebantur.

Neque secundum. Non sunt prohibiti eo tempore Judæi in Christum credentes, secundum legem ingredi, stante adhuc templo et sua religione, quamvis in sacramentis Novi Testamenti salutem habituri, sed creientes ex gentibus prohibebantur ad legem converti, qui tamen legis mandata ad mores et munditiam corporis pertinentia, ut est: *Non concupisces*, etc., diligenter observare jubebantur. Quadruplex synodus Jerosolymis habita est: prima suit de electione alterius apostoli pro Iuda; secunda de electione septem diaconorum; tertia de circumcidione non imponenda illis qui credebant de gentibus; quarta hæc de Judeis illo tempore non prohibe-

bendis (ubi necessitas exigeret,) legalibus cæremo- nitis initiari propter scandalum eorum qui putabant apostolos legem Moysi sicut idololatræ dogmata damnare.

VERS. 24. — *Quia quæ de te*, etc. Non enim ita reprobas legalia sicut dictum est, si autem ideo celebraret, ut actione simulata suam occultaret sententiam, non hoc diceret Jacobus.

VERS. 27. — *Cum autem septem dies*, etc. Nondum consummati erant, sed eorum cursus agebatur adhuc, etc., usque ad ne venirent Romani et tollerent locum et gentem.

VERS. 35. — *Et cum venisset ad gradus*. Gradus non descensionis de templo, sed ascensionis in castra significat.

VERS. 37. — *Græce nosti?* (RAB.) Interrogatio est vel affirmatio, quia (ut putatur) tribunus Greca lingua loquebatur, vel, ne Judæi cognoscerent.

VERS. 39. — *A Tarso*, etc. (Id.) Quo captus cum parentibus commigravit.

CAPUT XXII.

VERS. 3. — *Natus in Tarso*. (BED.) Natus in oppido Galilææ Giscali nomine fuit Paulus, etc., usque ad sic Christus, in Bethleem natus, Nazarenus est appellatus.

Æmulator legis. In Græco : *Æmulator legis Dei existentis*, secundum illud : *Testimonium illis perhibeo, quod æmulationem Dei habent, sed non secundum scientiam* (Rom. x).

VERS. 7. — *Saul, Saul*. (RAB.) Quædam exemplaria habent : *Saul, Saul*, ut ostendatur de nomine Saulis Saulum nominatum esse.

VERS. 9. — *Audierunt*. (Id.) Intellexerunt, sed solum sonum vocis Pauli, vel ejus qui Paulo loquebatur.

VERS. 10. — *Et ibi*. (Id.) Exemplum humilitatis, contra doctores non disputandi, nec de nobis presumendi, quasi a Deo simus edocti.

VERS. 13. — *Saul frater, respice*. (Id.) Duo erant in oculis Pauli, exæcatio et illuminatio : et ideo merito credidit.

VERS. 14. — *Praordinavit te*. (Id.) Conveniens ordo : primo, praordinatus in præscientia Dei; deinde cognoscit veritatem, videt Justum, audit ex ore ipsius ; postea fit testis eorum quæ cognovit, vidit, audivit.

VERS. 17. — *Fieri me in stupore mentis*. Hoc non narrat ad elationem, sed propter necessitatem, ut videatur idoneus evangelizare gentibus.

VERS. 20. — *Consentiebam*. Confidendo quod consensit, notat quia non occidit, nisi cædens accipitur pro occidens, vel occidere curans.

VERS. 28. — *Ego multa summa*. Alia editio manifestius insinuat quid dixerit tribunus. Dixit tribunus : tam facile dicis civem Romanum te es e? ego enim quanto pretio civilitatem possedi istam.

Civilitatem. Id est socialem inter cives conversationem, vel reipublicæ administrationem. Non enim

A tribunus civitatis Romanæ civis esse non posset, sed consortium civitatis emerat, ut esset particeps. Paulus eo magis erat civis Romanus, quod non comparando, sed hoc nascendo habebat.

CAPUT XXIII.

VERS. 3. — *Percutiet te*. (RAB.) Non dicit *percutiat*, quia prophetia est, non maledictio, etc., usque ad sed inspiratione divina dixit Apostolus.

VERS. 5. — *Nesciebam, fratres*. Id est non cognosciebam esse Ananiam ; vel subtiliter dicit se nescire principem, quia sacerdotium Judæorum reprobatum est.

VERS. 9. — *Quid si spiritus?* (RAB.) Hic apparent juxta Hieronymum sadducæos spiritum non confiteri et angelos, et ideo Pharisei spiritum nominant et angelum, quia hoc noverant contrarium esse illis.

VERS. 10. — *Ne disperderetur Paulus ab ipsis*. (Id.) Sadducæis volentibus eum rapere, vel ab utrisque simul contendentibus.

VERS. 12. — *Devoverunt se dicentes*. Græce, anathematizaverunt : hoc verbum quantæ sit auctoritatis norunt qui anathemate sacerdotali a societate Christi et Ecclesiæ alienantur.

VERS. 23. — *Parate milites ducentos*, etc. (RAB.) Hoc fieri jubet, ne eum Judæi auferrent, et ipse tribunus criminis accusaretur apud præsidem, tanquam accepturus pecuniam a Judæis, et pretium mortis Pauli.

CAPUT XXIV.

VERS. 14. — *Patri et Deo meo*. (RAB.) Cujus filius demonstror, non servus, ut in aliis codicibus habetur.

VERS. 21. — *Nisi de una hac*. (Id.) Hoc loquitur per antiphrasim, sciebat enim hoc eis placere : quasi dicat nihil commisi, nisi quia prædicavi quod et ipsi credunt.

VERS. 23. — *De suis ministrare*. (Id.) Discipulis et sociis ; aliter, jussit non prohibere quemquam ministrare ei de suis rebus vel facultatibus.

VERS. 25. — *Tremefactus*, etc., et sperans. (Id.) Sic junge : tremefactus et sperans, pro his duobus dimisit eum liberæ custodiæ, præ timore Dei et spœ pecuniae.

VERS. 27. — *Reliquit Paulum vincum*. (Id.) Utrum Felix vivens an moriens Paulum reliquerit, incertum est ; sed tamen melius videtur, quod vivens Judæis gratiam præstiterit.

CAPUT XXV.

VERS. 1. — *Festus ergo cum venisset in provinciam*, etc. (RAB.) Pakestinæ provinciam intellige, sicut Pakestinæ præsides alii semper aliis succedentes a Romanis mittebantur.

VERS. 18. — *De quibus*, etc. (Id.) His causis, vel rebus, sive verbis : de quibus ego suspicabar, id est ab accusatoribus expectabam, vel mala de quibus suspicabar ; aliter, de quibus, id est accusatoribus

suspicabar malum : quia nullam causam dignam A morte deferebant.

VERS. 19. — *Sua superstitione.* (RAB.) Amborum, id est Pauli et Judæorum legem vocabat superstitionem.

VERS. 23. — *Cum multa ambitione.* (Ip.) Id est multa turba ambiente eos, vel cum multo desiderio Paulum audiendi. Pro ambitione in Græco ponitur phantasia, id est multiplex apparatus et pompa regalis officii : qua illam ambiente undique stipabatur.

CAPUT XXVI.

VERS. 8. — *Quid incredibile?* (RAB.) Vel sic : Rex quid dicis? incredibile judicatur apud vos? etc., interrogando, quasi dicat : Non est incredibile. B Suscitavit quidem ante mortuos in exemplum futuri, vel suscitat.

VERS. 10. — *Cum occiderentur detulit sententiam.* (Id.) Alia editio : Occendisque detulit sententiam, id est qualiter occiderentur ipse sententiam dedi. *Detuli sententiam.* Judicavi illos occidentos : non ait occidi, nisi forte ad occasionem pertineat quod sequitur : *Puniens eos, etc., et amplius insaniens, etc.*

VERS. 14. — *Contra stimulum.* (Id.) Ille usque sine stimulo restitisti, sed nunc si resistis contra stimulum calcitrabis, quod satis durum est. Stimulus est ipsa correctio.

Insanis, Paule. (BED.) Insaniam putat, quo l homo vincetus loco defendendi acceptio, etc., usque ad et Propheta : *Non resperxit in vanitates et insanias falsas* (Psal. xxxix)

VERS. 24. — *Multa te.* (RAB.) Philosophi gentium multa legendi sectas commutabant. *Ad insaniam,* subaudi mutabilitati; vel insaniam dicit resurrectionem mortuorum, quam annuntiat.

CAPUT XXVII.

VERS. 1. — *Ut autem judicatum est eum navigare, etc.* In Græco : Ut judicatum est nos navigare in Italiam, tradiderunt Paulum et quosdam alios vincitos censureni.

VERS. 2. — *Adrumetinam.* (RAB.) Id est ad Romanum navigantem secundum quosdam, sed melius derivatur de nomine civitatis Africe quæ Adrumetis dicitur.

VERS. 5. — *Venimus Lystram.* (BED.) Pro Lystra, in Græco Smyrna scriptum est. Hieronymus vero Myrrham ponit.

VERS. 9. — *Jejunium.* (RAB.) Fames magna in navigio infirmiores reddens nautas. Alii dicunt tunc fuisse quadragesimam ante natale Domini, quod non est probabile. Melius jejunium septimum putandum est, in quo occisus erat Godolias. Vel dies jejunii decimi in Januario, quando cognoverant in Babylone captivi templum esse destrutum.

VERS. 12. — *Portum, etc.* (Id.) Portus Cretæ dicitur qui est in Phœnicio e regione Cretæ : portum autem Cretæ petebant, quia Cretæ navigabant.

Ad Africum, etc. Africus stat inter meridianam plagam et occidentalem, magis vergens ad occidentalem; Corus inter septentrionalem et occidentalem, plus deflexus ad occidentem; et provincia Phœnicis Cretam habebat ad occidentem.

VERS. 13. — *Asson.* (RAB.) Nomen est loci sic vocati, quia inde solvebantur naves in mare progradientes.

VERS. 14. — *Typhonicus.* Alia translatio : ventus tempestuosus.

Euroaquilo. (RAB.) Id est Boreas, ventus inter aquilonem et orientem; hic ventus erat contrarius navi navigaturæ in Phœnicen.

VERS. 17. — *Syrtim.* (Id.) Angustia sive tribulatio dicitur Syrtis.

VERS. 21. — *Oportebat quidem, etc.* (Ip.) Quasi dicat : Deum non audistis, quod supra hortabatur eos Paulus; vel oportebat me auditio, id est ut audiaretis me.

VERS. 26. — *In insulam autem quamdam oportet nos derenire.* (Id.) Quasi dicat : Pro signo est prophetia veritatis de insula, ut, cum ad illam venerint, de salute sua certi sint.

VERS. 27. — *In Adria.* Regio est ad quam navigabant; vel, nomen cuiusdam freti in Tyrrhenico mari, seu potius videtur nomen illius terræ de qua Adriaticus sinus vocatur. Alter, Adria pluraliter accipitur pro scopulis, et ideo putabant nautæ regionem apparere. In libro Hebræorum nominum, C Adria, continens mala, vel locus malorum sicutur.

VERS. 31. — *Sumere cibum.* (BED.) Nemo sæculi tempestates evadit, nisi qui pane vitæ pascitur, et qui in nocte tribulationum, sapientiae, fortitudini, temperantiae et justitiae innititur, auxilio Domini coruscante portum salutis consequitur, ita ut sæculo expeditus, flammam dilectionis qua calescunt interiora, querat.

VERS. 37. — *Eramus universæ animæ.* (RAB.) Non ait viri, quia fortasse erant et mulieres; vel, propter confusione Christianorum, militum et nautarum ita dicitur.

VERS. 41. — *Bithalassum.* (BED.) Greci Thalassam vocant mare, etc., usque ad et mare a Grecis dicitur Thelasson.

CAPUT XXVIII.

VERS. 2. — *Pyra.* (RAB.) Quidam dicunt pyram nomen ligni esse.

VERS. 8. — *Dysenteria vel dysin.* (BED.) Est passio intestinorum. Salvavit eum. Cur infidelem infirmum prece salvat, qui Timotheum, Trophimumque infirmos fideles sic tractat, ut unum curet, alterum relinquit? nisi quia ille per miraculum foris sanandus erat, qui interius non vivebat : hoc autem non indigebant, qui intus salubriter vivebant.

VERS. 13. — *Puteolos.* Puteoli locus est ultra Romanum ubi Virgilius fecit balnea medicinalia, singula propriis inscripta titulis (ut dicitur) contra

quam, scilicet valerent ægritudinem. Unde Salerni-**A** tani invidia ducti, supervenientes in manu forti, titulos destruxerunt, et ædificia mutilaverunt.

Vers. 15. — *Audissent fratres.* (RAB.) Christiani Romæ habitantes unde? patet Paulum non primo prædicasse Romanis.

VERS. 30. — *Conductu.* Id est in libera custodia per quam conducebatur, vel in sua concione qua contra Judæos disputabat.

VERS. 31. — *Sine prohibitione.* (RAB.) Post passionem Domini vigesimo quinto anno, etc., usque ad Petrus et Paulus martyrio coronati sunt.

EPISTOLA B. PAULI AD ROMANOS.

ARGUMENTUM.

Romani sunt partis Italæ. Hi præventi sunt a falsis apostolis, et sub nomine Domini nostri Jesu Christi in legem et prophetas erant inducti. Hos revocat **Apostolus** ad veram evangelicam fidem, scribens eis a Corintho.

CAPUT PRIMUM.

Vers. 1. — *Paulus.* (BED.) Super Actus apostolicos Paulum anno secundo passionis et resurrectionis Christi ad fidem venisse dicit, etc., usque ad juxta conditum apostolorum ad magisterium gentium est profectus.

(AUG. lib. de Spiritu et liu., c. 7). Non ob aliud hoc nomen elegit, etc., usque ad Sanlus inquietando et tentatio interpretatur.

(AMB.) Porro ex more sanctorum apostolorum illud fecisse perhibetur, qui virtutibus proficiens mutato nomine sunt vocati, ut et ipso nomine essent novi, ut et Cephas et filii tonitru.

(HIER. Com. in Ep. ad Philem.) Paulus a primo spolio quod Ecclesiæ contulit, scilicet a Sergio Paulo proconsule quem apud Cyprum convertit, hoc sibi nomen assumpsit.

Servus. Ex servo et humili fecit Deus apostolum et sublimem, ita et vos humiles sitis : *Qui enim se humiliat, exaltabitur* (Luc. xiv.).

(AUC.) Utrumque ponendo, unam Dei hominis personam esse testatur. Alterum pro Judæis, alterum pro gentibus ponit. Christus enim, hoc nomen Judæis est cognitum, quo nomine Dei Filiū designatum vident, et audiunt in lege promissum, quibus etsi alium prædicares, non crederent. Gentibus vero quia in aliquo non legerant, præmittit Salvatorem, id est Jesum. Christus, quamvis non sit proprium, sed nomen sacramenti, sicut propheta et sacerdos, Judæis tamen cognitum recte præponitur : etsi pluribus indita haec nomina, tamen sola figura; hic enim solus verus Rex et Sacerdos.

Vocatus. Non a se, sed a Deo; vel vocatus, ab hominibus dictus privilegio nominis. **Apostolus.** Ecce de humili altus. **Segregatus.** A doctrina scribarum et Pharisæorum : hoc contra Judæos; vel, ab aliis apostolis, corpore et non mente unde : **Segregate**

mihi Barnabam et Paulum in opus ad quod assumpsi eos (Act. XIII).

Evangelium. (HATM.) Bona annuntiatio est, etc. **Dei.** Non ab homine inventum.

B **VERS. 2.** — *Quod ante completionem, nou* ve*nit ut subitum, sed longe ante promissum.* Unde in hoc verbum verum est : *Quia aliis est qui seminat, et aliis qui metit.*

VERS. 3. — *Qui factus est ei.* Qui factus secundum carnem, opere sancti Spiritus de virgine, id est natus. Impietati hæreticorum occurritur, qui obtuso corde capitulum hoc intelligentes, Christum tantum hominem accipiunt. Addendo ergo, *secundum carnem*, divinitati suam dignitatem reservavit, in qua Christus Dei Verbum est, per quem facta sunt omnia.

(AUG.) Qui erat, etc., usque ad ut carnalibus congrueret appareret, indutum.

(Id. Expos. in hanc epist.) Christus ergo una persona est geminæ substantiæ : nec tamen Deus et homo pars hujus personæ dici potest : alioquin Filius Dei, antequam formam servi susciperet, non erat totus, et crevit cum homo divinitati ejus accessit.

VERS. 4. — *Qui prædestinatus est.* (AUC., Tract. 105 in Joan.) Prædestinata est ista humanæ naturæ tanta et tam celsa et summa subiectio, ut quo attolleretur, altius non haberet : sicut pro nobis ipsa diuinitas, quoisque se deponeret, humilius non habuit, quam suscepta natura hominis cum infirmitate carnis usque ad mortem crucis.

(AUC., lib. i de Prædest. sanct., c. 15.) Est etiam præclarissimum lumen prædestinationis et gratiæ ipse mediator Dei et hominum homo Christus Jesus, etc., usque ad ut qui futurus erat secundum carnem filius David, esset in virtute Filius Dei.

D **Mortuorum Jesu Christi.** Christi pro ejus vel suorum, proprium nomen pro pronomine posuit more Hebreico, quæ locutio in Scripturis præcipue veteribus est usitatissima, ut : *Fecit Moyses sicut præcepit Dominus Moysi.*

(CHRY.) Hoc est, nou nos hoc virtute nostra præstitimus, quod apostoli simus, neque enim nostris multis sudoribus ac laboribus hanc dignitatem sortiti sunus, sed gratiam invenimus.

Vers. 5. — *In omnibus genitibus.* Non solum Judæis, cum quibus (quia sine lege vocati) non debent

ipsius Haymonis Patrologiæ tom. CXVI, CXVII et CXVIII. EDIT.

* Quidquid ex Haymonis episcopi Halberstatensis in Epistolas Pauli expositione in hac sua expressit Glossa Walafridus, requirat Lector inter opera